

四庫全書

史部

欽定四庫全書

史部

資治通鑑卷一百十三

詳校官修撰臣錢棨

洗馬臣王坦修覆勘

總校官知縣臣楊懋珩

校對官中書臣葉蘭

謄錄監生臣馬衍宗

欽定四庫全書

資治通鑑卷一百十三

宋

司馬光撰

胡三省音注

晉紀三十五

起昭陽軍開盡閏
逢執徐凡二年

安皇帝戊

元興二年春正月盧循使司馬徐道覆寇東陽二月辛丑建武將軍劉裕擊破之道覆循之姊夫也乙卯以

太尉玄為大將軍

大將軍自漢以來職名崇重居其位者皆擅朝權晉初以司馬孚為太尉

秦以大將軍位太尉下後復舊在三司上

丁巳玄殺冀州刺史孫無終

孫無

終亦北府舊將也

玄上表請帥諸軍掃平關洛既而諷朝廷

下詔不許

上時掌翻帥讀曰率朝直遙翻

乃云奉詔故止玄初欲飭裝

先命作輕舸載服玩書畫

舸加我翻大舡也方言南楚江湖謂之舸畫與畫同

或

問其故玄曰兵凶戰危脫有意外當使輕而易運衆皆

笑之

桓玄意態終始如此耳時人誤以為雄豪而憚之故每遇輒敗崢嶸洲之戰劉道規等知其為人而

徑突之一敗而不能復振矣易以鼓翻

夏四月癸巳朔日有食之南燕

主備德故吏趙融自長安來始得母兄凶問備德號慟吐血

號戶刀翻
吐土故翻

因而寢疾司隸校尉慕容達謀反遣牙門皇璆

攻端門

璆渠尤翻

殿中帥侯赤眉開門應之

殿中帥猶晉之殿中三部督也帥所類翻

中

黃門孫進扶備德踰城匿於進舍段宏等聞宮中有變勒兵

屯四門

廣固城四門也

備德入宮誅赤眉等達出奔魏備德優遷徙

之民使之長復不役

復方目翻
復除也

民緣此迭相蔭冒或百室

合戶或千丁共籍以避課役尚書韓諱請加隱覈

合音閣諱竹角

翻隱度也覈實也
隱覈度其實也

備德從之使諱巡行郡縣

行下孟翻

得蔭戶

五萬八千 泰山賊正始聚衆數萬自稱太平皇帝署置

公卿南燕桂林王鎮討禽之臨刑或問其父及兄弟安在

始曰太上皇蒙塵于外征東征西為亂兵所害其妻怒之

曰君正坐此口奈何尚爾始曰皇后不知自古豈有不亡

之國朕則崩矣終不改號史言王始僭舉大號至敗亡而不悔五月燕王熙

作龍騰苑方十餘里役徒二萬人築景雲山於苑內基廣

五百步峯高十七丈廣古曠翻高古號翻秋七月戊子魏王珪北

巡作離宮於豺山平原太守和跋奢豪喜名喜許記翻珪惡而

殺之

惡鳥路翻

使其弟毗等就與訣跋曰灋北土瘠可遷水

南勉為生計

灋力水翻

且使之背已

背蒲妹翻

曰汝何忍視吾之

死也毗等諭其意詐稱使者逃入秦珪怒滅其家中壘

將軍鄧淵從弟尚書暉與跋善

從才用翻

或譖諸珪曰毗之

出亡暉實送之珪疑淵知其謀賜淵死南涼王傉檀

及沮渠蒙遜互出兵攻呂隆

傉奴沃翻沮子余翻

隆患之秦之謀

臣言於秦王興曰隆藉先世之資專制河外今雖飢窘

尚能自支

窘渠隕翻

若將來豐贍終不為吾有涼州險絕土

田饒沃不如因其危而取之興乃遣使徵呂超入侍

疏使

史翻

隆念姑臧終無以自存乃因超謀迎于秦興遣尚書

左僕射齊難鎮西將軍姚誥左賢王乞伏乾歸鎮遠將

軍趙曜帥步騎四萬迎隆于河西

詰去吉翻帥讀曰率騎奇寄翻

南涼

王倂擅攝昌松魏安二戍以避之

攝收也倂奴沃翻

八月齊難

等至姑臧隆素車白馬迎于道旁隆勸難擊沮渠蒙遜

沮子余翻

蒙遜使臧莫孩拒之敗其前軍

孩何間翻敗補邁翻

難乃與

蒙遜結盟蒙遜遣弟拏入貢于秦

拏女居翻

難以司馬王尚

行涼州刺史配兵三千鎮姑臧以將軍閻松為倉松太

守

倉松即漢昌松縣

郭將為番禾太守

番音盤

分戍二城徙隆宗

族僚屬及民萬戶于長安

載記曰自光至隆十三載而滅

興以隆為散

騎常侍

散悉亶翻騎奇寄翻

超為安定太守自餘文武隨才擢叙

初郭麇常言代呂者王故其起兵先推王詳後推王乞

基

事見一百九卷元年麇奴昆翻

及隆東遷王尚卒代之麇從乞伏乾

歸降秦

卒子恤翻降戶江翻

以為滅秦者晉也遂來奔秦人追得

殺之

郭麇自信其術幸亂以徼福而卒以殺身足以明天道之難知矣

沮渠蒙遜伯父

中田護軍親信臨松太守孔篤皆驕恣為民患

據晉書
蒙遜載

記中田護軍蓋呂
光所置鎮臨松

蒙遜曰亂吾法者二伯父也皆逼之

使自殺秦遣使者梁構至張掖蒙遜問曰禿髮傉檀為

公而身為侯何也

秦封傉檀為廣武公封蒙遜
為西海侯事見上卷上年

構曰傉

檀凶狡欺誠未著故朝廷以重爵虛名羈縻之將軍忠

貫白日當入贊帝室豈可以不信相待也聖朝爵必稱

功

朝直遙翻
稱尺證翻

如尹緯姚晃佐命之臣齊難徐洛一時猛

將爵皆不過侯伯

緯于貴翻
將即亮翻

將軍何以先之乎

先悉
薦翻

昔

竇融殷勤固讓不欲居舊臣之右

事見四十三卷漢光武建武十三年

不

意將軍忽有此問蒙遜曰朝廷何不即封張掖而更遠

封西海邪構曰張掖將軍已自有之所以遠授西海者

欲廣大將軍之國耳蒙遜悅乃受命 荊州刺史桓偉

卒大將軍玄以桓修代之從事中郎曹靖之說玄曰

說

萬謙修兄弟再據內外權勢太重玄乃以南郡相桓石

康為荊州刺史石康豁之子也

桓豁溫之次弟

劉裕破盧循

於永嘉追至晉安

武帝太康三年分建安立晉安郡今泉州南安縣即其地宋白曰東晉南

渡衣冠士族多萃此地以求安堵因立晉安郡隋為泉州

屢破之循浮海南走何無

忌潛詣裕勸裕於山陰起兵討桓玄裕謀於土豪孔靖

靖曰山陰去都道遠舉事難成且玄未篡位不如待其

已篡於京口圖之裕從之靖愉之孫也

孔愉歷事元明成三帝

九月魏主珪如南平城

愍帝建興元年代公猗廬城盛樂以為北都修故平城以為南

都更南百里於灑水之陽黃瓜堆築新平城所為南平城也唐朔州西南有新城即其地規度灑南

自灑水南抵夏屋山皆灑南地也度徒洛翻灑力水翻

將建新都

侍中殷仲文

散騎常侍卞範之勸大將軍玄早受禪陰撰九錫文及

冊命

散悉宣翻駢奇寄翻
禪時戰翻撰士免翻

以桓謙為侍中開府錄尚書

事王謚為中書監領司徒桓胤為中書令加桓修撫軍

大將軍胤冲之孫也丙子冊命玄為相國總百揆封十

郡為楚王加九錫楚國置丞相以下官桓謙私問彭城

內史劉裕曰楚王勲德隆重朝廷之情咸謂宜有揖讓

卿以為何如裕曰楚王宣武之子

桓溫謚曰宣武

勲德蓋世晉

室微弱民望久移乘運禪代有何不可謙喜曰卿謂之

可即可耳

劉裕一世之雄桓謙問之以決可否裕詭辭以順其意故喜

新野人庾仄

殷仲堪之黨也

新野縣漢屬南陽郡晉武帝太康中分屬義陽郡惠帝又分立新野郡反阻力

翻從

聞桓偉死石康未至乃起兵襲雍州刺史馮該

於襄陽走之

雍於用翻

反有衆七千設壇祭七廟云欲討桓

玄江陵震動石康至州發兵攻襄陽反敗奔秦 高雅

之表南燕主備德請伐桓玄曰縱未能廓清吳會亦可

收江北之地中書侍郎韓範亦上疏曰今晉室衰亂江

淮南北戶口無幾戎馬單弱重以桓玄悖逆

重直用翻悖蒲內翻

又蒲沒翻上下離心以陛下神武發步騎一萬臨之彼必土

崩瓦解兵不留行矣得而有之秦魏不足敵也拓地定
功正在今日失時不取彼之豪傑誅滅桓玄更脩德政
豈惟建康不可得江北亦無望矣備德曰朕以舊邦覆
沒欲先定中原乃平蕩荆揚故未南征耳其令公卿議
之因講武城西步卒二十七萬人騎五萬三千匹車萬
七千乘乘繩公卿皆以為玄新得志未可圖乃止慕容
證翻

青州至是纔五年耳有衆如此不能乘
時而用之自審其才不足以辦桓玄也

冬十月楚王

玄上表請歸藩使帝作手詔固留之又詐言錢塘臨平

湖開

臨平湖草常蕞塞開則天下太平

江州甘露降使百寮集賀用為

已受命之符又以前世皆有隱士恥於已時獨無求得

西朝隱士安定皇甫謐六世孫希之

晉氏東遷以洛陽為西朝皇甫謐在

魏晉之間徵辟不行自號玄晏先生朝直遙翻

給其資用使隱居山林徵為著

作郎使希之固辭不就然後下詔旌禮號曰高士時人

謂之充隱

實非隱者而以之備數故謂之充隱

又欲廢錢用穀帛及復肉

刑制作紛紜志無一定變更回復

更工衡翻

卒無所施行性

復貪鄙人士有法書好畫

辛子恤翻性復扶又翻法書謂如史籀程邈李斯張芝師

宜梁鵠衛瓘索靖鍾繇諸人真蹟各有家法者畫與畫同

及佳園宅必假蒲博而取

之尤愛珠玉未嘗離手

離力智翻史言桓玄志度凡近

乙卯魏主珪

立其子嗣為齊王加位相國紹為清河王加征南大將

軍熙為陽平王曜為河南王 丁巳魏將軍伊謂帥騎

二萬襲高車餘種袁紇烏頻十一月庚午大破之

帥讀曰率

騎奇寄翻種章勇翻紇戶骨翻

詔楚王玄行天子禮樂妃為王后世

子為太子丁丑卞範之為禪詔

禪時戰翻下同

使臨川王寶逼

帝書之寶晞之曾孫也

武陵王晞死於桓溫廢立之際

庚辰帝臨軒遣

兼太保領司徒王謚奉璽綬禪位于楚

璽斯氏翻
綬音受

壬午帝

出居永安宮癸未遷太廟神主于琅邪國

永嘉之亂琅邪國人隨元

帝過江者千餘戶太興二年立懷德縣丹陽雖有琅邪相而無其地成帝咸康元年桓溫領琅邪太守鎮江乘之蒲洲金城求割江乘縣境立郡始有實土 穆章何皇后及琅邪王德文皆

徙居司徒府百官詣姑孰勸進十二月庚寅朔立築壇

於九井山北

九域志太平州有九井山今太平州古姑孰之地也蕪湖縣南有溪猶曰姑孰溪北

征記云九井山在丹陽南

壬辰即皇帝位冊文多非薄晉室或諫之

立曰揖讓之文止可陳之於下民耳豈可欺上帝乎大

赦改元永始以南康之平固縣

武帝太康三年以廬陵南部都尉立南康郡平

固吳所置平陽縣也太康元年更名平固九域志虔州贛縣有平固鎮

封帝為平固王降

何后為零陵縣君琅邪王德文為右陽縣公武陵王遵

為彭澤縣侯追尊父溫為宣武皇帝廟號太祖南康公

主為宣皇后封子昇為豫章王以會稽內史王愉為尚

書僕射愉子相國左長史綏為中書令綏桓氏之甥也

戊戌立入建康宮登御坐而床忽陷

坐讀曰座

羣下失色殷

仲文曰將由聖德深厚地不能載立大悅梁王珍之國

臣孔樸奉珍之葬壽陽珍之晞之曾孫也

晞子璉出繼梁國珍之

祖也

戊申燕王熙尊燕主垂之貴嬪段氏為皇太后段

氏熙之慈母也已酉立苻貴嬪為皇后

嬪毗賓翻

大赦辛

亥桓玄遷帝於尋陽

尋陽郡時治柴桑

燕以衛尉悅真為青

州刺史鎮新城光祿大夫衛駒為并州刺史鎮凡城

癸丑納桓溫神主于太廟桓玄臨聽訟觀閱囚徒

洛都華林

園北有聽訟觀本平望觀也魏明帝以刑獄天下大命也每斷大獄常幸觀聽之太和三年更名聽訟觀建康

傲洛都之制亦置之觀古玩翻

罪無輕重多得原放有干輿乞者時或

卹之其好行小惠如此

干犯也干與行犯乘輿也乞者丐衣食之物好呼到翻

是歲魏主珪始命有司制冠服以品秩為差然法度草

創多不稽古

三年春正月桓玄立其妻劉氏為皇后劉氏喬之曾孫

也

劉喬見八十六卷惠帝永興三年

玄以其祖彞以上名位不顯不復

追尊立廟

復扶又翻

散騎常侍徐廣曰敬其父則子悅

孝經載孔

子之

請依故事立七廟玄曰禮太祖東向左昭右穆

禮天

子七廟太祖正東向之位左三昭右三穆決疑要錄曰父南面故曰昭昭明也子北面故曰穆穆順也昭本如

字為漢諱昭改音詔或云晉文帝名昭改音詔

晉立七廟宣帝不得正東向之

位何足法也秘書監卞承之謂廣曰若宗廟之祭果不

及祖有以知楚德之不長矣廣邈之弟也

徐邈以文舉為孝武所親

信
玄自即位心常不自安二月己丑朔夜濤水入石頭

流殺人甚多謹譁震天玄聞之懼曰奴輩作矣玄性苛

細好自矜伐

謹許元翻好呼到翻下性好同

主者奏事或一字不體

謂字

之上下偏傍不合體也

或片辭之謬必加糾擿以示聰明

擿他狄翻

尚

書答詔誤書春蒐為春蒐

蒐同都翻

自左丞王納之以下凡

所闕署

闕通也

皆被降黜

被皮義翻

或手注直官

直官入直官也

或自

用令史

令史尚書令僕所署用

詔令紛紜有司奉答不暇而紀綱

不治奏案停積不能知也又性好遊畋或一日數出

數所

角翻

遷居東宮更繕宮室

更工衡翻

土木並興督促嚴促朝野

騷然思亂者衆玄遣使加益州刺史毛璩散騎常侍左

將軍璩執留玄使不受其命璩寶之孫也

使疏吏翻散悉亶翻騎奇

寄翻

璩璩

玄以桓希為梁州刺史分命諸將戍三巴以備

之

三巴巴郡巴東巴西也杜佑曰渝州古巴國謂之璩三巴以閬白二水東南流曲折三迴如巴字也

傳檄遠近列玄罪狀遣巴東太守柳約之建平太守羅

述征虜司馬甄季之擊破希等

甄之
人翻

仍帥衆進屯白帝

史言劉裕未起毛璩已仗
義舉兵討玄帥讀曰率

劉裕從徐兗二州刺史安成

王桓脩入朝

朝直
遙翻

玄謂王謚曰裕風骨不常蓋人傑也

每遊集必引接殷勤贈賜甚厚玄后劉氏有智鑒謂玄

曰劉裕龍行虎步視瞻不凡恐終不為人下不如早除

之玄曰我方平蕩中原非裕莫可用者侯關河平定然

後別議之耳玄以桓弘為青州刺史鎮廣陵刁逵為豫

州刺史鎮歷陽弘脩之弟達彛之子也

刀彛見一百三卷簡文帝咸安

年劉裕與何無忌同舟還京口密謀興復晉室劉邁弟

毅家於京口亦與無忌謀討玄無忌曰桓氏彊盛其可

圖乎毅曰天下自有彊弱苟為失道雖彊易弱

易以正鼓翻

患事主難得耳

謂舉大事難得一人為主

無忌曰天下草澤之中非

無英雄也毅曰所見惟有劉下邳

裕先領下邳太守故稱之

無忌笑

而不答還以告裕遂與毅定謀初太原王元德及弟仲

德為苻氏起兵攻燕主垂不克來奔

王獻字元德王懿字仲德名犯宣元

二帝諱故以字行仲德為燕所敗渡河依段遼自遼所來奔為于偽翻

朝廷以元德為弘

農太守仲德見桓玄稱帝謂人曰自古革命誠非一族

然今之起者恐不足以成大事平昌孟昶為青州主簿

平昌縣漢屬城陽國魏文帝分城陽立平昌郡後省晉惠帝又立平昌郡其地今屬密州安丘縣界昶且兩翻

桓弘使昶至建康玄見而悅之謂劉邁曰素士中得一

尚書郎

起於白屋者謂之素士

卿與其州里寧相識否

孟昶平昌人平昌郡

屬青州劉邁彭城沛人彭城屬徐州蓋二人並僑居京口故謂之同州里邁素與昶不善對

曰臣在京口不聞昶有異能唯聞父子紛紛更相贈詩

耳

更工
衡翻

玄笑而止昶聞而恨之既還京口裕謂昶曰草

間當有英雄起卿頗聞乎昶曰今日英雄有誰正當是

卿耳於是裕毅無忌元德仲德昶及裕弟道規任城魏

詠之

任城縣前漢屬東平國後漢章帝元和元年分東平為任城國而任城縣屬焉晉氏南渡省任城郡

為任城縣屬高平郡任音壬

高平擅憑之琅邪諸葛長民河內太守

隴西辛扈興振威將軍東莞童厚之

莞音官

相與合謀起

兵道規為桓弘中兵參軍裕使毅就道規及昶於江北

共殺弘據廣陵長民為刁逵參軍使長民殺逵據歷陽

元德庖興厚之在建康使之聚衆攻玄為內應刻期齊發孟昶妻周氏富於財昶謂之曰劉邁毀我於桓公使我一生淪陷我決當作賊卿幸早離絕脫得富貴相迎不晚也周氏曰君父母在堂欲建非常之謀豈婦人所能諫事之不成當於奚官中奉養大家

奚如字又胡禮
謝周禮注曰古

者從坐男女沒入縣官為奴其少才智以為奚今之侍史官婢或曰奚官女此言事君敗沒為官婢當於奚官中養姑晉志奚官令屬少府晉宋陶子婦稱其姑曰大家攷南史孝義孫棟傳可見義無歸志也昶愴然久之而起

愴丑亮翻
然失志貌

周氏追昶坐曰觀君舉

措非謀及婦人者不過欲得財物耳因指懷中兒示之

曰此而可賣亦當不惜遂傾貲以給之昶弟顗妻周氏

之從妹也

顗魚豈翻
從才用翻

周氏給之曰昨夜夢殊不祥

給待
亥翻

門內絳色物宜悉取以為厭勝

厭於涉翻
又於檢翻

妹信而與之

遂盡縫以為軍士袍何無忌夜於屏風裏草檄文其母

劉牢之姊也登橙密窺之

橙都鄧
翻床屬

泣曰吾不及東海呂

母明矣

呂母事見三十八
卷王莽天鳳四年

汝能如此吾復何恨問所與

同謀者曰劉裕母尤喜因為言玄必敗舉事必成之理

以勸之

復扶又翻
為于偽翻

乙卯裕託以遊獵與無忌收合徒衆

得百餘人丙辰詰旦京口城開無忌著傳詔服

詰去吉
翻著則

略翻著傳詔之
服因自稱敕使

稱敕使居前

使疏
吏翻

徒衆隨之齊入即斬

桓脩以徇脩司馬刁弘帥文武佐吏來赴

帥讀
曰率

裕登城

謂之曰

城謂京口
之金城

郭江州已奉乘輿返正於尋陽

郭江
州謂

郭昶之也時帝在尋陽裕
詭言以誑弘等乘繩證翻

我等並被密詔誅除逆黨

被

義今日賊玄之首已當梟於大航矣

梟堅堯翻說文曰
日至捕梟磔之以

謂頭掛木上今
謂掛首為梟諸君非大晉之臣乎今來欲何為弘等信

之收衆而退裕問無忌曰今急須一府主簿何由得之

無忌曰無過劉道民道民者東莞劉穆之也

晉陵有南東莞郡故

穆之居京口莞音官裕曰吾亦識之即馳信召焉時穆之聞京口

謹噪聲

謹許云翻噪當作譟

晨起出陌頭屬與信會

信使也屬之欲翻使疏吏

翻穆之直視不言者久之

直視注目直視不他屬

既而返室壞布

裳為袴

袴脰衣也晉志曰袴褶之制未詳所起近世以為戎服壞音怪

往見裕裕曰始

舉大義方造艱難

言造事之初事事艱難也

須一軍吏甚急卿謂誰

堪其選穆之曰貴府始建軍吏實須其才倉猝之際略

當無見踰者裕笑曰卿能自屈吾事濟矣即於坐署主

簿

坐讀曰座

孟昶勸桓弘其日出獵天未明開門出獵人昶

與劉毅劉道規帥壯士數十人直入

帥讀曰率下同

弘方噉粥

即斬之因收衆濟江

噉徒濫翻

裕使毅誅刁弘先是裕遣同

謀周安穆入建康報劉邁

先悉薦翻

邁雖酬許意甚惶懼安

穆慮事泄乃馳歸立以邁為竟陵太守邁欲亟之郡是

夜立與邁書曰北府人情云何卿近見劉裕何所道邁

謂立已知其謀晨起白之立大驚封邁為重安侯

重直龍翻

既而嫌邁不執安穆使得逃去乃殺之悉誅元德扈興
厚之等衆推劉裕為盟主總督徐州事以孟昶為長史
守京口檀憑之為司馬彭城人應募者裕悉使郡主簿

劉鍾統之丁巳裕帥二州之衆千七百人

二州兗
徐也

軍于

竹里移檄遠近聲言益州刺史毛璩已定荆楚江州刺

史郭昶之奉迎主上返正於尋陽鎮北參軍王元德等

並帥部曲保據石頭揚武將軍諸葛長民已據歷陽玄

移還上宮

玄始遷東宮今以
裕起移還上宮

召侍官皆入止省中

侍官
自侍

中下至黃
散之屬

加楊州刺史新野王桓謙征討都督以殷仲

文代桓脩為徐兗二州刺史謙等請亟遣兵擊裕玄曰

彼兵銳甚計出萬死若有蹉跌

蹉七何翻
跌徒結翻

則彼氣成而

吾事去矣不如屯大衆於覆舟山以待之

成帝咸康八
年於覆舟山

南立北郊山蓋在建康
城北也形如覆舟故名

彼空行二百里無所得銳氣已

挫忽見大軍必驚愕我衆兵堅陣勿與交鋒彼求戰不

得自然散走此策之上也謙等固請擊之乃遣頓丘太

守吳甫之右衛將軍皇甫敷相繼北上

自建康趣京口
為北上上時掌

翻 玄憂懼特甚或曰裕等烏合微弱勢必無成陛下何

慮之深玄曰劉裕足為一世之雄劉毅家無擔石之儲

擔與儋同丁濫翻言一儋一石也儲無儋石家貧之至也揚雄家無儋石之儲應劭注曰齊人名小器為儋石受二斛晉灼曰石斗石也前書音義曰儋言一斗之儲方言曰儋器也齊東北海岱之間謂之儋余據今江淮人為一擔 擣蒲一擲百萬何無忌酷似其舅共舉大事

何謂無成南涼王傉檀畏秦之彊乃去年號

傉奴沃翻元興

元年傉檀改元弘昌去羌呂翻 罷尚書丞郎官遣參軍闕尚使于秦

疏使

史 秦王興曰車騎獻欵稱藩而檀興兵造大城豈為臣

之道乎

興拜傳擅為車騎將軍故稱之

尚曰王公設險以守其國

易坎卦象

辭

先王之制也車騎僻在遐藩密邇勅寇

勅渠京翻

蓋為國

家重門之防

重直龍翻

不圖陛下忽以為嫌興善之傳擅求

領涼州興不許

初袁真殺朱憲

見一百二卷海西公太和五年

憲弟

綽逃奔桓溫溫克壽陽綽輒發真棺戮其尸溫怒將殺

之桓沖請而免之綽事沖如父沖薨綽嘔血而卒

卒子恤翻

劉裕克京口以綽子齡石為建武參軍

裕本為建武將軍以齡石參軍

事

三月戊午朔裕軍與吳甫之遇於江乘

江乘漢舊縣屬丹楊郡成

帝咸康元年桓溫領琅邪太守鎮江乘之蒲洲將戰齡

石言於裕曰齡石世受桓氏厚恩不欲以兵刃相向乞

在軍後裕義而許之甫之玄驍將也

驍堅亮翻將即亮翻

其兵甚

銳裕手執長刀大呼以衝之衆皆披靡

呼火故翻披晉彼翻

即斬

甫之進至羅落橋

羅落橋在江乘縣南蓋緣水設羅落因以為名

皇甫數帥數

千人逆戰

帥讀曰率

寧遠將軍檀憑之敗死裕進戰彌厲數

圍之數重裕倚大樹挺戰

重直龍翻挺戰挺身獨戰也挺他鼎翻直也

數曰

汝欲作何死拔戟將刺之裕瞋目叱之數辟易

刺七亦翻瞋七

人翻辟讀曰
開易如字

裕黨俄至射數中額而踣

射而亦翻中竹仲翻踣蒲北翻

裕援刀直進

援手元翻

數曰君有天命以子孫為託裕斬之

厚撫其孤裕以檀憑之所領兵配參軍檀祗祗憑之

從子也

從才用翻

玄聞二將死大懼召諸道術人推算及為

厭勝

將即亮翻厭於叶翻又一琰翻

問羣臣曰朕其敗乎吏部郎曹靖

之對曰民怨神怒臣實懼焉玄曰民或可怨神何為怒

對曰晉氏宗廟飄泊江濱

謂遼晉宗廟主於琅邪國尋又隨帝上尋陽也

大楚

之祭上不及祖

謂止祭桓溫於太廟

此其所以怒也玄曰卿何不

諫對曰輦上君子皆以為堯舜之世臣何敢言玄默然

使拒譙及游擊將軍何澹之屯東陵

游擊將軍漢雅號將軍也魏置為中

軍及晉以領護左右衛驍騎游擊為六軍建康之西侍

有西陵其東有東陵東陵在覆舟山東北澹徒覽翻

中後將軍卞範之屯覆舟山西衆合二萬己未裕軍食

畢悉棄其餘糧進至覆舟山東使羸弱登山張旗幟為

疑兵

羸倫為翻幟昌志翻

數道並前布滿山谷玄偵候者還云裕

軍四塞

偵丑鄭翻塞悉則翻

不知多少玄益憂恐遣武衛將軍庾

績之帥精卒副援諸軍

魏文帝踐阼置領軍將軍主五校中壘武衛等三營後遂各置

將軍賸謙等士卒多北府人素畏伏裕莫有鬪志裕與

劉毅等分為數隊進突謙陳裕以身先之

陳讀曰陣先悉薦翻

將

士皆殊死戰無不一當百呼聲動天地時東北風急因

縱火焚之煙炎燦天

呼火故翻炎讀曰燦燦必遙翻

鼓噪之聲震動京

邑謙等諸軍大潰玄時雖遣軍拒裕而走意已決潛使

領軍將軍殷仲文具舟於石頭聞謙等敗帥親信數千

人聲言赴戰

帥讀曰率下同

遂將其子昇兄子濬出南掖門遇

前相國參軍胡藩執馬鞭諫曰今羽林射手猶有八百

皆是義故西人受累世之恩

鞚音控馬勒也桓氏世居荆楚西人皆其義舊此蓋

從玄東下玄既纂因以為羽林

不驅令一戰一旦舍此欲安之乎玄不

對但舉策指天

玄舉策指天亦項羽所謂天之亡我之意

因鞭馬而走西趨

石頭與仲文等浮江南走經日不食左右進粗飯

趨七喻翻

粗與倉同

玄咽不能下昇抱其臂而撫之玄悲不自勝

咽於旬翻

勝音升

裕入建康王仲德抱元德子方回出候裕裕於馬

上抱方回與仲德對哭追贈元德給事中以仲德為中

兵參軍裕止桓謙故營遣劉鍾據東府庚申裕屯石頭

城立留臺百官焚桓溫神主於宣陽門外造晉新主納

于太廟

桓玄初篡遷七廟神主于琅邪國既而遷帝遣於尋陽宗廟主祔皆隨帝西上故權造新主

遣

諸將追玄尚書王嘏帥百官奉迎乘輿

乘繩證翻

誅玄宗族

在建康者裕使臧熹入宮收圖書器物封閉府庫有金

飾樂器裕問熹卿得無欲此乎熹正色曰皇上幽逼播

越非所將軍首建大義勛勞王家雖復不肖實無情於

樂

復扶又翻

裕笑曰聊以戲卿耳熹熹之弟也

劉裕娶于臧氏

壬戌

玄司徒王謚與衆議推裕領揚州裕固辭乃以謚為侍

中領司徒揚州刺史錄尚書事謚推裕為使持節都督

揚徐兗豫青冀幽并八州諸軍事徐州刺史

使疏吏翻

劉毅

為青州刺史何無忌為琅邪內史孟昶為丹陽尹劉道

規為義昌太守

宋永初郡國志安豐有義昌縣蓋晉末嘗立郡宋初廢為縣也裕取義昌美名

使道規領太守

裕始至建康諸大處分皆委於劉穆之

處昌呂翻分扶

問翻

倉猝立定無不允愜

愜苦叶翻

裕遂託以腹心動止諮焉

穆之亦竭節盡誠無所遺隱時晉政寬弛綱紀不立豪

族陵縱小民窮蹙重以司馬元顯政令違舛

重直用翻

桓玄

雖欲釐整而科條繁密衆莫之從穆之斟酌時宜隨方

矯正

揉曲為矯言隨事矯揉使歸於正

裕以身範物先以威禁内外百

官皆肅然奉職不盈旬日風俗頓改

史言劉裕有撥亂反正之才

初

諸葛長民至豫州失期不得發刁達執長民檻車送桓

玄至當利而玄敗

當利浦名

送人共破檻出長民還趣歷陽

趣七喻翻

達棄城走為其下所執斬於石頭子姪無少長皆

死

少詩照翻長知兩翻

唯赦其季弟給事中騁達故吏匿其弟子

雍送洛陽

刁雍後自秦入魏雍於容翻

秦王興以為太子中庶子裕

以魏詠之為豫州刺史鎮歷陽諸葛長民為宣城內史

初裕名微位薄輕狡無行盛流皆不與相知

行下孟翻盛流謂當

時貴盛之流

惟王謐獨竒貴之謂裕曰卿當為一代英雄裕

嘗與刁逵擣蒲不時輸直

擣蒲不勝而不即納其所負之直此亦博徒輕狡之常態

逵縛之馬柳

柳魚浪翻繫馬柱也又五剛翻

謐見之責逵而釋之代之

還直由是裕深憾逵而德謐

蕭方等曰

蕭方等梁元帝之嫡長子

撰三十國春秋

夫蛟龍潛伏魚鰕褻之是以漢高赦雍齒魏武

免梁鵠

雍齒事見十一卷漢高帝十一年漢靈帝時梁鵠為選部尚書魏武欲為洛陽令鵠以為北部

尉董卓之亂鵠奔劉表魏武破荊州鵠懼而安可以布
自縛詣門使在祕書以勤書自効雍於用翻

衣之嫌而成萬乘之隙也乘繩證翻今王謚為公刁達亡族

疇恩報怨何其狹哉尚書左僕射王愉及子荊州刺

史綏謀襲裕事泄族誅綏弟子慧龍為僧彬所匿得免

慧龍後遂逃奔秦又自秦奔魏魏以中土蕭條詔縣戶不滿百者罷

之丁卯劉裕還鎮東府桓玄至尋陽郭昶之給其

器用兵力辛未玄逼帝西上上時掌翻劉毅帥何無忌劉道

規等諸軍追之帥讀曰率玄留龍驤將軍何澹之前將軍郭

銓與郭昶之守湓口

驤思將翻澹徒覽翻昶丑兩翻湓蒲奔翻

玄於道自作

起居注

杜佑通典曰周官有左右史蓋今起居注之本動則左史書之言則右史書之左史記言右史

記事漢武帝有禁中起居注後漢馬皇后撰明帝起居注則漢起居注似在宮中為女史之任其後起居皆近侍之臣錄記也歷代有其職而無其官後魏始置起居令史每行幸宴會則在御左右記錄帝言後又別置修起居注

起居

叙討劉裕事自謂經略舉無遺策諸軍違節度以

致犇敗專覃思著述

覃深也廣也思相吏翻

不暇與羣下議時事

起居注既成宣示遠近

丙戌劉裕稱受帝密詔以武

陵王遵承制總百官行事加侍中大將軍因大赦惟桓

玄一族不宥 劉敬宣高雅之結青州大姓及鮮卑豪

帥謀殺南燕主備德

帥所類翻

推司馬休之為主備德以劉

軌為司空甚寵信之雅之欲邀軌同謀敬宣曰劉公衰

老有安齊之志不可告也雅之卒告之

卒子恤翻

軌不從謀

頗泄敬宣等南走南燕人收軌殺之追及雅之又殺之

敬宣休之至淮泗間聞桓玄敗遂來歸

敬宣等奔南燕事見上卷元興

元劉裕以敬宣為晉陵太守

南燕主備德聞桓玄敗

命北地王鍾等將兵欲取江南會備德有疾而止

昔魯莊公

伐齊納子糾小白自莒先入所以有乾時之敗當此之時建康已定使慕容鍾等之師果進劉裕固有以待之

矣將即亮翻

夏四月己丑武陵王遵入居東宮內外畢敬

遷除百官稱制書教稱令書以司馬休之監荆益梁寧

秦雍六州諸軍事領荊州刺史

劉毅等之兵既進故預以休之鎮南蕃監工衛

翻雍於用翻

庚寅桓玄挾帝至江陵桓石康納之玄更署置

百官以下範之為尚書僕射自以犇敗之後恐威令不行乃更增峻刑罰衆益離怨殷仲文諫玄怒曰今以諸將失律天文不利故還都舊楚而羣小紛紛妄興異議

方當糾之以猛未可施之以寬也荆江諸郡聞玄播越

有上表犇問起居者玄皆不受更令所在賀遷新都唐人

所謂難將一人手掩盡天下目桓玄是也初王謐為玄佐命元臣玄之受禪

禪時謐手解帝璽綬璽斯氏翻綬音受及玄敗衆謂謐宜誅劉

裕特保全之劉毅嘗因朝會問謐璽綬所在璽斯氏翻綬音受朝

直遙翻謐內不自安逃犇曲阿劉昫曰唐潤州丹楊縣古曲阿縣也裕賤白

武陵王迎還復位 桓玄兄子歆引氏帥楊秋寇歷陽

帥所類翻魏詠之帥諸葛長民劉敬宣劉鍾共擊破之帥讀曰率

下斬楊秋於練固

練固在歷陽西北

玄使武衛將軍庾稚祖江

夏太守桓道恭帥數千人就何澹之等共守湓口何無

忌劉道規至桑落洲

桑落洲在湓城東北大江中杜佑曰桑落洲在江洲都昌縣漢之彭

澤縣也

唐戍澹之等引舟師逆戰澹之常所乘舫

舫南妄翻方舟

也

羽儀旗幟甚盛

幟昌志翻

無忌曰賊帥必不居此

帥所類翻

欲

詐我耳宜亟攻之衆曰澹之不在其中得之無益無忌曰今衆寡不敵戰無全勝澹之既不居此舫戰士必弱我以勁兵攻之必得之得之則彼勢沮而我氣倍因而

薄之破賊必矣

沮在呂翻

道規曰善遂往攻而得之因傳呼

曰已得何澹之矣澹之軍中驚擾無忌之衆亦以為然

乘勝進攻澹之等大破之無忌等克湓口進據尋陽遣

使奉送宗廟主柁還京師

柁音石廟中藏木主石室也既克尋陽宗廟主柁乃得還

加劉裕都督江州諸軍事桑落之戰胡藩所乘艦為官

軍所燒藩全鎧入水潛行三十許步乃得登岸

艦戶黯翻鎧告

亥翻時江陵路已絕

官軍既克尋陽故江陵之路絕

乃還豫章劉裕素聞

藩為人忠直引參領軍軍事桓玄收集荊州兵曾未

三旬有衆二萬樓船器械甚盛甲寅亥復帥諸軍挾帝
東下以苻宏領梁州刺史為前鋒又使散騎常侍徐放
先行說劉裕等曰若能旋軍散甲當與之更始各授位
任令不失分

復扶又翻說輸芮翻
更工衡翻分扶問翻

劉裕以諸葛長民都

督淮北諸軍事鎮山陽以劉敬宣為江州刺史柔然

可汗社崙從弟悅代大郎謀殺社崙

崙廬昆翻從才用
翻郎與那同奴何

翻不克蒞魏燕王熙於龍騰苑起逍遙宮連房數百

鑿曲光海盛夏士卒不得休息暍死者大半

去年熙起
龍騰苑暍

於歌翻
傷暑也

西涼世子譚卒

劉毅何無忌劉道規下邳

太守平昌孟懷玉帥衆自尋陽西上

帥讀曰率
上時掌翻

五月癸

酉與桓玄遇於崢嶸洲

水經注江水東過武昌口又東右
得李堽浦北對崢嶸洲劉毅破

桓玄處在今黃州壽昌軍之間杜佑曰崢嶸
洲在鄂州武昌縣崢嶸仕耕翻嶸戶萌翻

毅等兵不滿

萬人而玄戰士數萬衆憚之欲退還尋陽道規曰不可

彼衆我寡彊弱異勢今若畏懦不進必為所乘雖至尋

陽豈能自固玄雖竊名雄豪內實懼怯

懼曲陽翻
亦怯也

加之

已經犇敗衆無固心決機兩陣將雄者克

將即亮翻

不在衆

也因麾衆先進毅等從之玄常漾舸於舫側以備敗走

舸古我翻

由是衆莫有鬪心毅等乘風縱火盡銳爭先玄衆

大潰燒輜重夜遁

重直用翻

郭銓詣毅降玄故將劉統馮稚

等聚黨四百人襲破尋陽城

降戶江翻將即亮翻

毅遣建威將軍

劉懷肅討平之懷肅懷敬之弟也

劉懷敬見一百一十一卷隆安三年玄

挾帝單舸西走留永安何皇后及王皇后於巴陵

永安何皇

后穆帝章皇后也王皇后帝之后也

殷仲文時在玄艦求出別船收集散

卒因叛玄奉二后奔夏口

夏戶雅翻

遂還建康已卯玄與帝

入江陵馮該勸使更下戰玄不從欲犇漢中就桓希

桓希

時為梁州刺史

而人情乖沮號令不行

沮在呂翻

庚辰夜中處分欲

發

處昌呂翻分扶問翻

城內已亂乃與親近腹心百餘人乘馬出

城西走至城門左右於闇中斫玄不中

不中竹仲翻

其徒更

相殺害

更工衛翻

前後交橫玄僅得至船左右分散惟下範

之在側辛巳荊州別駕王康產奉帝入南郡府舍太守

王騰之帥文武為侍衛

帥讀曰率下同

玄將之漢中屯騎校尉

毛脩之璩之弟子也誘玄入蜀玄從之

誘音酉

寧州刺史

毛璠

璠音繁

璠之弟也卒於官璠使其兄孫祐之及參軍

費恬帥數百人送璠歸江陵

費扶沸翻

壬午遇玄於枚回洲

水經

注江水逕江陵縣南有州曰枚回洲

祐之恬迎擊玄矢下如雨玄嬖人

丁仙期萬蓋等以身蔽玄皆死

嬖卑義翻又博計翻

益州督護漢

嘉馮遷抽刀前欲擊玄玄拔頭上玉導與之

魏晉以來冠幘有簪

有導至尊以玉為之導引也所以引髮入冠幘之內也

曰汝何人敢殺天子遷曰

我殺天子之賊耳遂斬之又斬桓石康桓濟庾贍之

贍上

草翻

執桓昇送江陵斬於市乘輿返正於江陵以毛脩之

為驍騎將軍

乘繩證翻驍堅
堯翻騎奇寄翻

甲寅大赦諸以畏逼從逆

者一無所問戊寅奉神主于太廟

納尋陽所奉送
宗廟主祐也

劉毅

等傳送玄首梟于大桁

傳株戀翻
梟堅堯翻

毅等既戰勝以為大

事已定不急追躡又遇風船未能進玄死幾一旬

幾居
希翻

文音
祈

諸軍猶未至時桓謙匿於沮中

沮水上下為沮
中臨沮上黃二縣

皆其地也
沮于余翻

揚武將軍桓振匿於華容浦

華容縣自漢以
來屬南郡水經

注江水左逌為中夏口右則中郎浦出焉華容縣今在
監利縣界晉書振傳曰匿於華容之浦中左傳閭敖游

涌而逸杜預註云涌水
在南郡華容縣涌音勇

玄故將王稚徽戍巴陵遣人報

振云桓歆已克京邑馮稚復克尋陽

將即亮翻復扶劉
又翻下復陷同

毅諸軍並中路敗退振大喜聚黨得二百人襲江陵桓

謙亦聚衆應之閏月己丑復陷江陵殺王康產王騰之

振見帝於行宮躍馬奮戈直至階下問桓昇所在聞其

已死瞋目謂帝曰

瞋七
人翻

臣門戶何負國家而屠滅若是

琅邪王德文下牀謂曰此豈我兄弟意邪振欲殺帝謙

苦禁之乃下馬斂容致拜而出壬辰振為玄舉哀立喪

庭謚曰武悼皇帝

為于
偽翻

癸巳謙等帥羣臣奉璽綬於帝

曰帥讀曰奉主上法堯禪舜今楚祚不終百姓之心復歸於

晉矣以琅邪王德文領徐州刺史振為都督八郡諸軍

事荊州刺史譙復為侍中衛將軍加江豫二州刺史帝

侍御左右皆振之腹心振少薄行立不以子姝齒之

行

孟翻以年叙長幼為齒又齒列也言不使預子姪之列至是嘆曰公昔不早用我

遂致此敗若使公在我為前鋒天下不足定也今獨作

此安歸乎遂縱意酒色肆行誅殺譙勸振引兵下戰已

守江陵振素輕譙不從其言劉毅至巴陵誅王稚徽何

無忌劉道規進攻桓謙於馬頭

馬頭岸在大江南岸北對江津口

桓蔚

於龍泉

水經註靈溪之東有龍陂廣負二百餘步水至淵深有龍見于其中故曰龍陂

皆破之

蔚祕之子也

桓祕見一百三卷孝武寧康元年

無忌欲乘勝直趣江陵

趣七喻翻

道規曰兵法屈申有時不可苟進諸桓世居西楚

羣小皆為竭力振勇冠三軍

為于偽翻冠古玩翻

難與爭鋒且可

息兵養銳徐以計策縻之不憂不克無忌不從振逆戰

於靈溪

水經注江水自江陵縣南東逕燕尾洲北合靈溪水江溪之會有靈溪戍背阿面江西帶靈溪

馮該以兵會之無忌等大敗死者千餘人退還尋陽與

劉毅等上牋請罪

上時掌翻

劉裕以毅節度諸軍免其青州

刺史桓振以桓蔚為雍州刺史鎮襄陽

雍於用翻

柳約之羅

述甄季之聞桓玄死自白帝進軍至枝江

枝江縣自漢以來屬南郡

我朝省為鎮屬松滋縣甄之人翻

聞何無忌等敗於靈溪亦引兵退俄

而述季之皆病約之詣桓振偽降欲謀襲振事泄振殺

之約之司馬時延祖

時姓也

涪陵太守文處茂收其餘衆

保涪陵

處昌呂翻涪音浮

六月毛璩遣將攻漢中斬桓希璩自

領梁州

秋七月戊申永安皇后何氏崩

燕苻昭儀

有疾龍城人王榮自言能療之昭儀卒

卒子燕王熙立

恆翻

榮於公車門支解而焚之

八月癸酉葬穆章皇后于

永平陵

魏置六謁官準古六卿

九月刁騁謀反伏

誅刁氏遂亡

刁遠之誅惟赦騁而雍得逃走投北騁又誅則江南之刁氏亡矣

刁氏素

富奴客縱橫

橫尸孟翻

專固山澤為京口之患劉裕散其資

蓄令民稱力而取之

稱尺證翻

彌日不盡時州郡飢弊民賴

之以濟乞伏乾歸及楊盛戰于竹嶺

上邽西南有南山竹嶺

為盛

所敗

敗補邁翻

西凉公暁立子歆為世子

暁古老翻

魏主珪

臨昭陽殿改補百官引朝臣文武親加銓擇隨才授任

朝直
遙翻

列爵四等王封大郡公封小郡侯封大縣伯封小

縣其品第一至第四舊臣有功無爵者追封之宗室疏

遠及異姓襲封者降爵有差又置散官五等其品第五

至第九

散悉
宣翻

文官造士才能秀異武官堪為將帥者其

品亦比第五至第九

將即亮翻
帥所類翻

百官有闕則取於其中

以補之其官名多不用漢魏之舊倣上古龍官鳥官

左傳

郅子曰昔太皞氏以龍紀故為龍師而龍名我高祖少皞摯之立也鳳鳥適至故為鳥師而鳥名鳳鳥氏歷正

也玄鳥氏司分者也伯趙氏司至者也青鳥氏司啓者也丹鳥氏司閉者也祝鳩氏司徒也鵙鳩氏司馬也鳴鳩氏司空也爽鳩氏司冠也鵙鳩氏司事也五鳩鳩氏者也五雉為五工正九扈為九農正杜預註曰太皞氏有龍瑞故以龍名官應劭曰以龍紀其官長春官為青龍夏官為赤龍秋官為白龍冬官為黑龍中官為黃龍張晏曰扈犧將興神龍負圖而至因以名官與師也謂諸曹之使為鳧臯魏書官氏志作

諸曹走使取其飛之迅疾也謂候官伺察者為白鷺取其延

頸遠望也餘皆類此盧循寇南海攻番禺番禺音潘禺音愚廣

州刺史濮陽吳隱之拒守百餘日濮博木翻冬十月壬戌循

夜襲城而陷之燒府舍民室俱盡執吳隱之循自稱平

南將軍攝廣州事聚燒骨為共冢葬於洲上得髑髏三

萬餘枚

髑髏徒谷翻髑髏郎侯翻說文曰髑髏頂也

又使徐道覆改始興

吳孫皓甘

露元年分桂陽南部都尉立始興郡唐為韶州

執始興相阮腆之

相息亮翻腆它典翻

劉裕領青州刺史

劉毅免青州裕自領之

劉敬宣在尋陽聚糧繕

船未嘗無備故何無忌等雖敗退賴以復振

復扶又翻下復自同

桓玄兄子亮自稱江州刺史寇豫章敬宣擊破之劉毅

何無忌劉道規復自尋陽西上至夏口

夏戶雅翻

桓振遣鎮

東將軍馮該守東岸揚武將軍孟山圖據魯山城輔國

將軍桓仙客守偃月壘衆合萬人水陸相援殺攻魯山

城道規攻偃月壘無忌遏中流自辰至午二城俱潰

漢水

與江會于魯山西南漢水之左有却月城亦曰偃月壘故曲陵縣也後更爲沙羨縣治

生禽山圖

仙客該走石城

走音奏竟陵縣古石城戍也郢州圖經曰子城三面墉基皆天造正西絕壁下

臨漢江石城之名蓋本於此

辛巳魏大赦改元天賜築西宮十一

月魏主珪如西宮命宗室置宗師八國置大師小師州

郡亦各置師以辨宗黨舉才行如魏晉中正之職

魏書官氏

志曰以八國姓族難分故國立大師小師令辨其宗黨品舉人才自八國以外郡各立師職分如八國比今之

中正也宗室立宗宗師亦如
州郡八國之職行下孟翻

燕王熙與苻后遊畋北

登白鹿山東踰青嶺

水經註大遼水東南過遼東郡房
縣西又右會白狼水水出右北平

白狼縣東南北屈逕白鹿山西即白狼山也青嶺即青
陁在龍城東南四百餘里魏收地形志建德郡石城縣

有白鹿
山祠

南臨滄海而還

滄海在遼西郡海陽縣
南還從宣翻又如字

士卒為

虎狼所殺及凍死者五千餘人 十二月劉毅等進克

巴陵毅號令嚴整所過百姓安悅劉裕復以毅為兖州

刺史桓振以桓放之為益州刺史屯西陵文處茂擊破

之放之走還江陵

高句麗侵燕

句如字又音
麗力知翻

戊辰

魏主珪如豺山宮 是歲晉民避亂襁負之淮北者道

路相屬

襁居兩翻
屬之欲翻

資治通鑑卷一百十三

欽定四庫全書

資治通鑑卷一百十四

宋 司馬光 撰

胡三省 音注

晉紀三十六

起旃蒙大荒落盡
著雍涒灘凡四年

安皇帝已

義熙元年春正月南陽太守扶風魯宗之起兵襲襄陽

桓蔚走江陵

蔚紆
勿翻

已丑劉毅等諸軍至馬頭桓振挾帝

出屯江津

江津戌在江陵南臨江許荊州記曰江陵縣東三里有津鄉水經注江陵城南有馬牧城

此洲始自枚回下迄于此長七十餘里洲上有奉城江津長所治

遣使求割江荆二州

奉送天子毅等不許辛卯宗之學破振將溫楷于柞溪

水經注柞溪水出江陵縣北蓋諸池散流咸所會合積以成川東流逕魯宗之壘南又東注船官湖將即亮翻

柞才各翻又音作

進屯紀南

郡國志江陵縣北十餘里有紀南城

振留桓謙馮該

守江陵引兵與宗之戰大破之劉毅等擊破馮該於豫

章口

水經注江水過江陵而東得豫章口夏水所通也西北有豫章岡蓋因岡而得名其地去江陵城二

十里桓謙棄城走毅等入江陵執卞範之等斬之桓振還

望見火起知城已陷其衆皆潰振逃于湏川

水經注湏水出漢南

陽郡蔡陽縣東南大洪山東南流過隨縣西又南過江夏安陸縣西又東南入于夏湏音云

乙未詔

大處分悉委冠軍將軍劉毅

處昌呂翻分扶問翻冠古玩翻

戊戌大赦

改元惟桓氏不原以桓冲忠于王室特宥其孫胤以魯

宗之為雍州刺史毛璩為征西將軍都督益梁秦涼寧

五州諸軍事璩弟瑾為梁秦二州刺史瑗為寧州刺史

雍於用翻璩求於翻瑾渠各翻瑗于春翻

劉懷肅追斬馮該於石城桓謙桓

怡桓蔚桓謐何澹之溫楷皆奔秦

蔚紆勿翻澹徒覽翻

怡弘之弟

也

桓弘死見上卷上年

燕王熙伐高句麗

句如字又音駒麗力知翻

戊申攻遼

東城且陷熙命將士毋得先登俟剗平其城朕與皇后

乘輦而入

剗楚限翻

由是城中得嚴備不克而還

後齊高緯之攻晉州

亦若是矣還從宣翻又如字

秦王興以鳩摩羅什為國師奉之如神

親帥羣臣及沙門聽羅什講佛經

帥讀曰率下同

又命羅什翻

譯西域經論三百餘卷

古之譯者傳四夷之言今羅什翻夷言為華言故曰譯

大營

塔寺沙門坐禪者常以千數

禪靜也寂也傳燈錄曰禪有五有凡夫禪有外道禪

有小乘禪有大乘禪有最上乘禪時連翻

公卿以下皆奉佛由是州郡化

之事佛者十室而九 乞伏乾歸擊吐谷渾大破

之俘萬餘口而還大孩走死胡園

晉書吐谷渾傳吐谷渾王烏紇堤一名大

孩胡園作胡國孩何開翻視羅世子樹洛干帥其餘衆數千家奔莫

何川

莫何山在西傾山東北西傾亦名嶽臺山帥讀曰率

自稱車騎大將軍大單

于吐谷渾王

騎奇寄翻單音蟬

樹洛干輕徭薄賦信賞必罰吐谷

渾復興

復扶又翻

沙湫諸戎皆附之

段國曰洮河郡西南一百七十里有黃沙南北

一百二十里東西七十里西極大揚川望之若人委精

糠於地不生草木蕩然黃沙周迴數百里洮水出嶽臺

山東北逕吐谷渾中自洮嶽南北三百里中地

草皆是龍鬚而無燕柴謂之嶽川湫渠良翻

西涼

公嵩自稱大將軍大都督領秦涼二州牧

嵩古老翻

大赦改

元建初遣舍人黃始梁興間行奉表詣建康

間古覓翻

二

月丁巳留臺備法駕迎帝於江陵劉毅劉道規留屯夏

口

夏戶雅翻

何無忌奉帝東還

初毛璩聞桓振陷江陵帥

衆三萬順流東下將討之使其弟西夷校尉瑾蜀郡太

守瑗出外水

璩求於翻瑾渠各翻瑗于眷翻蜀有內水外水內水涪水也外水即蜀江發源於岷

山者參軍巴西譙縱侯暉出涪水蜀人不樂遠征暉至五

城水口

涪音浮樂音洛水經注涪水自南安郡南流其枝流西逕廣漢五城縣為五城水又西至成都

入于江又曰江水東絕縣洛逕五城界至廣都北岸南
入于江謂之五城水口斯為北江沈約宋志五城縣屬
廣漢郡晉武帝咸寧四年立華陽國志云漢時立倉發
五縣人尉部主之晉固立五城縣在五城山按五代志
蜀郡立武縣舊曰伍與巴西陽昧謀作亂昧莫葛翻縱為人
城立武縣唐屬梓州

和謹蜀人愛之暉昧共逼縱為主縱不可走投于水引

出以兵逼縱登輿縱又投地叩頭固辭暉縛縱於輿還

襲毛瑾於涪城殺之

涪音浮

推縱為梁秦二州刺史璩至

略城

據晉書毛璩傳略城去成都四百里

聞變奔還成都遣參軍王瓊將

兵討之

將即亮翻

為縱弟明子所敗

敗補遺翻

死者什八九益州營

戶李騰開城納縱兵

民有流離逃叛分
配軍營者為營戶

殺璩及弟瑗滅

其家縱稱成都王以從弟洪為益州刺史以明子為巴

州刺史屯白帝於是蜀大亂漢中空虛氏王楊盛遣其

兄子平南將軍撫據之癸亥魏主珪還自豺山罷尚

書三十六曹

魏三十六曹始見於
一百九卷隆安元年

三月桓振自鄆城

襲江陵

杜預曰江夏雲杜縣東南有鄆城古鄆子之國
鄆音云振先逃于鄆川鄆城蓋在鄆川也鄆音

云荊州刺史司馬休之戰敗奔襄陽振自稱荊州刺史

建威將軍劉懷肅自雲杜引兵馳赴與振戰於沙橋

沙橋

在江陵城北

劉毅遣廣武將軍唐興助之臨陳斬振

陳讀曰陣

復

取江陵

復扶又翻下復諸尋復復說同

甲午帝至建康乙未百官詣闕

請罪詔令復職尚書殷仲文以朝廷音樂未備言於劉

裕請治之

治直之翻

裕曰今日不暇給且性所不解

解戶買翻曉也

同仲文曰好之自解裕曰正以解則好之故不習耳

英雄

之言政自度越常流世之嗜音者可以自省矣好呼到翻

庚子以琅邪王德文為

大司馬武陵王遵為太保劉裕為侍中車騎將軍都督

中外諸軍事徐青二州刺史如故劉毅為左將軍何無

忌為右將軍督豫州揚州五郡軍事豫州刺史劉道規

為輔國將軍督淮北諸軍事并州刺史魏詠之為征虜

將軍吳國內史裕固讓不受加錄尚書事又不受屢請

歸藩

歸藩歸京口也

詔百官敦勸帝親幸其第裕惶懼復詣闕

陳請乃聽歸藩以魏詠之為荊州刺史代司馬休之初

劉毅嘗為劉敬宣寧朔參軍

劉敬宣為寧朔將軍毅為參軍

時人或以

雄傑許之敬宣曰夫非常之才自有調度

調徙甲翻

豈得便

謂此君為人豪邪此君之性外寬而內忌自伐而尚人

若一旦遭遇亦當以陵上取禍耳

敬宣之論毅其知之固審矣然幾以此擬

禍聖人色周身之防正為是耳

毅聞而恨之及敬宣為江州辭以無功

不宜授任先於毅等

先志薦翻

裕不許毅使人言於裕曰劉

敬宣不豫建義猛將勞臣方須叙報

將即亮翻

如敬宣之比

宜令在後若使君不忘平生

裕參劉牢之軍事牢之父雅敬待之故云然

止

可為負外常侍耳

負外散騎常侍魏末置

聞已授郡實為過優

敬宣

自北來歸裕以為晉陵太守

尋復為江州尤用駭惋

惋烏貫翻

敬宣愈不

自安自表解職乃召還為宣城內史

夏四月劉裕旋

鎮京口改授都督荊司等十六州諸軍事加領兗州刺

史盧循遣使貢獻

使疏
吏翻

時朝廷新定未暇征討壬申

以循為廣州刺史徐道覆為始興相循遺劉裕益智粽

遺于季翻本草曰益智子生崑崙國今嶺南州郡往往有之顧微交州記曰益智藥如藁荷莖如竹箭子從心

出一枝有十子子肉白滑四破去之
蜜煮為粽味辛粽作弄翻角黍也

裕報以續命湯

循以

益智調裕裕以續命報
之此雖淺陋亦兵機也循以前琅邪內史王誕為平南

長史誕說循曰誕本非戎旅在此無用

說輸芮翻王氏
江南衣冠稱首

故云本
非戎旅

素為劉鎮軍所厚若得北歸必蒙寄任公私際

會仰答厚恩循甚然之劉裕與循書令遣吳隱之還循

不從誕復說循曰

復扶又翻

將軍今留吳公公私非計孫伯

符豈不欲留華子魚邪但以一境不容二君耳於是循

遣隱之與誕俱還

元興元年桓玄流王誕於嶺南二年盧循破廣州虜吳隱之誕并沒於循

所漢獻帝建安四年華歆以豫章歸孫策策死曹操表召歆孫權遣還許華戶化翻

初南燕主

備德仕秦為張掖太守

事見一百二卷海西公太和五年

其兄納與母

公孫氏居于張掖備德之從秦王堅寇淮南也

寇淮南見一百

五卷孝武帝太元八年

留金刀與其母別備德與燕王垂舉兵於

山東張掖太守符昌收納及備德諸子皆誅之公孫氏以老獲免納妻段氏方娠未決獄掾呼延平備德之故吏也掾于綯翻竊以公孫氏及段氏逃于羌中段氏生子超

十歲而公孫氏病臨卒以金刀授超曰汝得東歸當以此

刀還汝叔也呼延平又以超母子奔涼及呂隆降秦超

隨涼州民徙長安

秦徙涼州民事見上卷元興二年

平卒段氏為超娶

其女為婦超恐為秦人所錄

為于偽翻錄采也收也為所收采則不得歸南燕矣

乃陽狂行乞秦人賤之惟東平公紹見而異之言於秦

王興曰慕容超姿幹瓌偉

瓌公回翻

殆非真狂願微加官爵

以縻之興名見與語超故為謬對或問而不答興謂紹

曰諺云妍皮不裹癡骨徒妄語耳乃罷遣之備德聞納

有遺腹子在秦遣濟陰人吳辯往視之

濟子禮翻

辯因鄉人

宗正謙賣卜在長安以告超

宗正以官為氏

超不敢告其母妻

潛與謙變姓名逃歸南燕行至梁父

父音甫

鎮南長史悅

壽以告兗州刺史慕容法

南燕以法為兗州刺史鎮梁父

法曰昔漢有

卜者詐稱衛太子

見二十三卷漢昭帝始元五年

今安知非此類也不

禮之超由是與法有隙

為超立法
謀反張本

備德聞超至大喜遣

騎三百迎之

騎奇寄
翻下同

超至廣固以金刀獻於備德備德

慟哭悲不自勝

勝音
升

封超為北海王拜侍中驃騎大將

軍司隸校尉

驃匹
妙翻

開府妙選時賢為之僚佐備德無子

欲以超為嗣超入則侍奉盡歡出則傾身下士

下戶
嫁翻

由

是內外譽望翕然歸之

五月桂陽太守章武王秀

義陽

王望子河間王洪生子威徙封章武傳至孫
無嗣河間王欽以子範之繼之秀範之子也

及益州刺

史司馬軌之謀反伏誅秀妻桓振之妹也故自疑而反

桓玄餘黨桓亮符宏等擁衆寇亂郡縣者以十數劉

毅劉道規檀祗等分兵討滅之荆湘江豫皆平詔以毅

為都督淮南等五郡軍事豫州刺史

淮南廬江歷陽晉熙安豐凡五郡

何無忌為都督江東五郡軍事會稽內史

會工外翻

北青

州刺史劉該反引魏為援

隆安五年劉該固嘗降魏矣沈約曰江左青州治廣陵

清河陽平二郡太守孫全聚衆應之六月魏豫州刺史

索度真大將斛斯蘭

斛斯亦虜姓也

寇徐州圍彭城劉裕遣其

弟南彭城内史道憐東海太守孟龍符將兵救之

將即亮翻

斬該及全魏兵敗走龍符懷玉之弟也 秦隴西公碩

德伐仇池屢破楊盛兵將軍斂俱攻漢中

斂羌之種姓俱其名

拔

成固徙流民三千餘家於關中秋七月楊盛請降於秦

降戶江翻

秦以盛為都督益寧二州諸軍事征南大將軍益

州牧

劉裕遣使求和於秦

使疏吏翻

且求南鄉等諸郡秦

王興許之羣臣咸以為不可興曰天下之善一也劉裕

拔起細微能誅討桓玄興復晉室內釐庶政外修封疆

吾何惜數郡不以成其美乎遂割南鄉順陽新野舞陰

等十二郡歸于晉

隆安二年淮漢以北多降于秦此十二郡蓋皆在漢北漢建安中割南陽

右壤為南鄉郡晉立順陽郡以南鄉為縣蓋其後復分立郡也秦晉南鄉郡秦漢陰縣及鄧縣之地今為光化

軍舞陰縣屬南陽郡未知立郡之始八月燕遼西太守邵顏有罪亡命為

盜九月中常侍郭仲討斬之

汝水竭

汝當作女郭緣生述征記齊桓

公冢在齊城南二十里冢東有女水或曰齊桓公女冢在其上故以名女水導川東北流甚有神焉化隆則

水生政薄則津竭地理志薊頭山女水所出東北至臨菑入鉅淀鉅淀即漢鉅定地晉書地理志女水出齊國

東安平縣東北南燕主備德惡之惡鳥路翻俄而寢疾北海王超請

禱之備德曰人主之命短長在天非汝水所能制也固

請不許戊午備德引見羣臣于東陽殿

見賢
遍翻

議立超為

太子俄而地震百官驚恐備德亦不自安還宮是夜疾

篤瞑不能言段后大呼今召中書作詔立超可乎

呼火
故翻

備德開目頷之乃立超為皇太子大赦備德尋卒

年七
十

為十餘棺夜分出四門潛瘞山谷

瘞一
計翻

已未超即皇帝

位

超字祖明德兄
北海王納之子

大赦改元太上尊段后為皇太后以

北地王鍾都督中外諸軍錄尚書事慕容法為征南大

將軍都督徐兖揚南兖四州諸軍事加慕容鎮開府儀

同三司以尚書令封孚為大尉麴
麴當仲為司空封嵩

為尚書左僕射癸亥虛葬備德於東陽陵謚曰獻武皇

帝廟號世宗超引所親公孫五樓為腹心備德故大臣

北地王鍾段宏等皆不自安求補外職超以鍾為青州

牧宏為徐州刺史公孫五樓為武衛將軍領屯騎校尉

內參政事封孚諫曰臣聞親不處外左傳申不處內無字諫

楚靈王曰親不在外鍾國之宗臣社稷所賴呂翻宏外戚懿

望百姓具瞻正應參翼百揆不宜遠鎮外方今鍾等出

藩五樓內輔臣竊未安超不從鍾宏心皆不平相謂曰

黃犬之皮恐終補狐裘也

史記駢忌相齊淳于髡謂之曰狐裘雖弊不可補以黃狗

之皮駢忌曰謹受令請謹擇君子毋雜小人其間

五樓聞而恨之魏詠之卒

江陵令羅脩謀舉兵襲江陵奉王慧龍為主劉裕以并

州刺史劉道規為都督荆寧等六州諸軍事荊州刺史

脩不果發奉慧龍奔秦

慧龍得免見上卷元興三年

乞伏乾歸伐

仇池為楊盛所敗

敗補邁翻

西涼公曷與長史張邈謀徙都

酒泉以逼沮渠蒙遜

沮子余翻

以張體順為建康太守鎮樂

涇

漢志樂涇縣屬酒泉郡張氏分爲建康郡涇音官

以宋繇爲敦煌護軍與其

子敦煌太守讓鎮敦煌遂遷于酒泉

李嵩遷酒泉欲以逼沮渠蒙遜安知

反爲蒙遜所逼邪敦徒門翻

曷手令戒諸子以爲從政者當審慎賞

罰勿任愛憎近忠正遠佞諛

近其新翻遠于願翻

勿使左右竊弄

威福毀譽之來當研覈真偽聽訟折獄必和顏任理慎

勿逆詐億必

朱子曰逆未至而迎之也詐謂人欺已輕也億未見而意之也必期必也譽音余

加聲色務廣咨詢勿自專用吾蒞事五年雖未能息民

然含垢匿瑕朝爲寇讐夕委心膂粗無負於新舊

粗坐五翻

事任公平坦然無類

類盧對翻絲節也庇也

初不容懷有所損益

計近則如不足經遠乃為有餘庶亦無愧前人也 十

二月燕王熙襲契丹

契丹本東胡種其先為匈奴所破保鮮平山魏青龍中部酋軻比能

桀驚為幽州刺史王雄所殺部衆遂微逃潢水之南黃龍之北後自號曰契丹種類繁盛契欺吉翻程大昌曰

契丹之契讀如契

二年春正月甲申魏主珪如豺山宮諸州置三刺史郡

置三太守縣置三令長刺史令長各之州縣

長知兩翻之往也

太守雖置而未臨民功臣為州者皆徵還京師以爵歸

第 益州刺史司馬榮期擊譙明子于白帝破之 燕

王熙至陜北

陜北冷陜山之北也陜音刑

畏契丹之衆欲還苻后不

聽戊申遂棄輜重

重直用翻

輕兵襲高句麗

南燕主超猜

虐日甚政出權倖盤于遊畋

盤樂也言樂于田獵遊逸

封孚韓諱屢

諫不聽

丁度曰諱舒角翻

超嘗臨軒問孚曰朕可方前世何主

對曰桀紂超慙怒孚徐步而出不為改容

為于偽翻

鞠仲謂

孚曰與天子言何得如是宜還謝孚曰行年七十惟求

死所耳竟不謝超以其時望優容之 桓玄之亂河間

王曇之子國璠叔璠奔南燕

河間王顥死無後元帝以彭城王植子融為顥嗣薨又

無子帝復尋以彭城王釋子欽為融嗣欽薨曇之嗣曇之薨國鎮嗣國璠蓋國鎮兄弟劉裕興復篡意未彰國

璠宜如劉敬宣輩南歸可也乃攻擾晉邊者欽孫秀嗣封章武國璠徙兄弟也秀以桓振妹婚謀反誅故國璠

兄弟不敢南歸耳豈知裕之必篡哉曇徒含翻璠乎袁翻

二月甲戌國璠等攻陷弋

陽燕軍行三千餘里士馬疲凍死者屬路

屬之欲翻

攻高

句麗木底城不克而還

木底城在南蘇之東唐置木底州句如字又音駒麗力知翻

夕陽公雲傷於矢且畏燕王熙之虐遂以疾去官

為後燕人

試熙立雲張本

三月庚子魏主珪還平城夏四月庚申復如

豺山宮

復扶
又翻

甲午還平城

柔然社崙侵魏邊

崙盧
昆翻

五月燕主寶之子博陵公虔上黨公昭皆以嫌疑賜死

六月秦隴西公碩德自上邽入朝秦王興為之大赦

為于
偽翻

及歸送之至雍乃還

雍於
用翻

興事晉公緒及碩德皆

如家人禮車馬服玩先奉二叔而自服其次國家大政

皆咨而後行

禿髮儁檀伐沮渠蒙遜

儁奴沃翻
沮子余翻

蒙遜

嬰城固守儁檀至赤泉而還

赤泉在張掖
氏池縣北

獻馬三千匹

羊三萬口于秦秦王興以為忠以儁檀為都督河右諸

軍事車騎大將軍涼州刺史鎮姑臧徵王尚還長安涼州人申屠英等遣主簿胡威詣長安請留尚興弗許威

見興流涕言曰臣州奉戴王化於茲五年

隆安五年九月呂隆降秦

至是猶未五朞

土宇僻遠威靈不接士民嘗膽拔血共守孤城

拔武粉翻又文運翻拭也

仰恃陛下聖德俯杖良牧仁政克自保全

以至今日陛下奈何乃以臣等買馬三千匹羊三萬口

買音茂易也市賣也

賤人貴畜

高許又翻

母乃不可若軍國須馬直煩

尚書一符臣州三千餘戶各輸一馬朝下夕辦何難之

有昔漢武傾天下之資力開拓河西以斷匈奴右臂今

陛下無故棄五郡之地忠良華族以資暴虜

斷丁管翻此五郡謂

漢所開武威張掖敦煌酒泉金城

豈惟臣州士民墜于塗炭恐方為聖

朝旰食之憂

旰古案翻

興悔之使西平人車普馳止王尚又

遣使諭倂檀會倂檀已帥步騎三萬軍于五澗

五澗在姑臧南

車尺遮翻使疏吏翻帥讀曰率

普先以狀告之倂檀遽逼遣王尚尚出

自清陽門倂檀入自涼風門

清陽當作青陽涼風門姑臧城南門

別駕宗

敞送尚還長安

宗姓也漢有南陽宗資

倂檀謂敞曰吾得涼州三

千餘家情之所寄惟卿一人奈何捨我去乎敞曰今送舊君所以忠於殿下也僊檀曰吾新牧貴州懷遠安邇之略如何敞曰涼土雖弊形勝之地殿下惠撫其民收其賢俊以建功名其何求不獲因薦本州文武名士十餘人僊檀嘉納之王尚至長安興以為尚書僊檀燕羣臣於宣德堂仰視嘆曰古人有言作者不居居者不作信矣武威孟禕曰昔張文王始為此堂於今百年十有

二主矣

張駿卒私謚曰文王張氏自駿至重華耀靈祚玄覲天錫凡六主梁熙呂光呂紹呂纂呂隆王

尚又六主通十二主
主祿許韋翻

惟履信思順者可以久處

處昌呂翻

僇檀善

之

魏主珪規度平城

度徒洛翻

欲擬鄴洛長安修廣宮室

以濟陽太守莫題有巧思

惠帝分陳留為濟陽國後因以為郡濟子禮翻思相吏翻

召見與之商功題久侍稍怠珪怒賜死題含之孫也

此莫

題非高邑公莫題莫含見八十九卷愍帝建興三年

於是發八部五百里內男丁

築灋南宮

魏先有八部大人既得中原建平城為代都分佈八部於畿內灋力水翻

闕門高

十餘丈

高居傲翻

穿溝池廣苑囿規立外城方二十里分置

市里三十日罷

秋七月魏太尉宜都丁公穆崇薨

周公

謹法述義
不克曰丁

八月禿髮儁檀以興城侯文支鎮姑臧自

還樂都

樂音洛

雖受秦爵命然其車服禮儀皆如王者

甲辰魏主珪如豺山宮遂之石漠

自陰山以北皆大漠有白漠黑漠石漠白

黑二漠以其色為名石漠蓋其地皆石據北史石漠在漢定襄郡武要縣西北塞外

九月度漠北

癸巳南還長川

水經注長川城在柔玄鎮西

劉裕聞譙縱反遣龍驤

將軍毛修之將兵與司馬榮期文處茂時延祖共討之

處昌

修之至宕渠

宕渠縣漢屬巴郡劉蜀分屬巴西郡惠帝復分巴西置宕渠郡按五代志

果州南充縣舊置宕渠郡合州石鏡縣亦置宕渠郡皆當自白帝上成都之路宕徒浪翻

榮期為其

參軍楊承祖所殺承祖自稱巴州刺史修之退還白帝

禿髮傉檀求好於西涼

好呼到翻

西涼公暉許之沮渠蒙

遜襲酒泉至安珍

安珍即漢酒泉郡安彌縣也後人從省書之以彌為彌傳寫之訛又以彌

珍為暉戰敗城守蒙遜引還南燕公孫五樓欲擅朝權

朝直遙翻

譖北地王鍾於南燕主超請誅之南燕主備德之

卒也

卒子恤翻

慕容法不奔喪超遣使讓之

使疏吏翻

法懼遂與

鍾及段宏謀反超聞之徵鍾鍾稱疾不至超收其黨侍

中慕容統等殺之征南司馬卜珍告左僕射封嵩數與

法往來疑有奸超收嵩下廷尉太后懼泣告超曰嵩數遣黃門令年常說吾云帝非太后所生恐依永康故事

數所角翻說輸芮翻下選據翻燕主寶永康元年逼我殺其母段氏事見一百八卷孝武帝太元二十一年

婦人識淺恐帝見殺即以語法法為謀見誤知復何言

語牛倨翻復扶又翻

超乃車裂嵩西中郎將封融犇魏超遣慕容

鎮攻青州慕容昱攻徐州右僕射濟陽王凝及韓範攻

兗州

南燕青州刺史鎮東萊徐州刺史鎮莒城兗州刺史鎮梁父濟子禮翻

昱拔莒城段

宏犇魏封融與羣盜襲石塞城殺鎮西大將軍餘鬱國

中振恐濟陽王凝謀殺韓範襲廣固範知之勒兵攻凝
凝奔梁父範并將其衆攻梁父克之

父音甫

法出犇魏凝

出犇秦慕容鎮克青州鍾殺其妻子為地道以出與高
都公始皆奔秦秦以鍾為始平太守凝為侍中南燕主

超好變更舊制朝野多不悅又欲復肉刑增置烹轆之

法

好呼到翻更工衡翻轆戶慣翻車裂也

衆議不合而止冬十月封孚卒

慕容超之立雖非少主乃國疑而大臣未附之時超不
能推心和輯使之阻兵以至于奔亡超誰與立哉雖劉
裕之兵未至固知其必滅矣

尚書論建義功奏封劉裕豫章郡公

劉毅南平郡公何無忌安成郡公自餘封賞有差 梁

州刺史劉稚反劉毅遣將討禽之

將即亮翻

庚申魏主珪

還平城 乙亥以左將軍孔安國為尚書左僕射 十

一月禿髮儁檀遷于姑臧 乞伏乾歸入朝于秦

朝直遙翻

十二月以何無忌為都督荊江豫三州八郡軍事江

州刺史

八郡蓋荊州之武昌江州之尋陽豫章廬陵臨川都陽南康豫州之晉熙

是歲桓

石綏與司馬國璠陳襲聚衆胡桃山為寇

胡桃山當在歷陽郡界瑞

孚素翻劉毅遣司馬劉懷肅討破之石綏石生之弟也

三年春正月辛丑朔燕大赦改元建始 秦王興以乞

伏乾歸寢彊難制留為主客尚書

漢成帝置四曹尚書其四曰主客主外國

夷狄事

以其世子熾磐行西夷校尉監其部衆

是後秦政漸衰熾磐

日以熾而乾歸亦不可得而留矣熾昌志翻校戶教翻監工衡翻

二月己酉劉裕詣

建康固辭新所除官欲詣廷尉詔從其所守裕乃還丹

徒魏主珪立其子修為河間王處文為長樂王

處昌呂翻

樂音洛

連為廣平王黎為京兆王殷仲文素有才望自謂

宜當朝政悒悒不得志

悒悒憂悒不自安之意仲文黨於桓玄以才望希進而不得進

故不自安也
朝直遙翻

出為東陽太守尤不樂

樂音洛

何無忌素慕

其名東陽無忌所統

無忌都督浙江東
五郡東陽其一也

仲文許便道修

謁無忌喜欽遲之

遲直吏翻待
也後企遲同

而仲文失志恍惚遂不

過府

府謂督府何無忌治所
也恍呼廣翻惚音忽

無忌以為薄已大怒會南

燕入寇無忌言於劉裕曰桓胤殷仲文乃腹心之疾北

虜不足憂也閏月劉裕府將駱冰謀作亂

將即亮翻

事覺裕

斬之因言冰與仲文桓石松曹靖之下承之劉延祖潛

相連結謀立桓胤為主皆族誅之

燕王熙為其后符

氏起承華殿

偽翻

負土於北門土與穀同價宿軍典軍

杜靜載棺詣闕極諫熙斬之

北燕營州刺史鎮宿軍

苻氏嘗季夏

思凍魚

煎魚為凍今人多能之季夏六月暑盛則不能凍

仲冬須生地黃

本草曰地

黃葉如甘露子花如脂麻花但有細斑點北人謂之牛妳子二月八月採根陰乾解諸熱破血通利月水熙

下有司切責不得而斬之

下選嫁翻

夏四月癸丑苻氏卒熙

哭之慙絕久而復蘇

慙音悶

喪之如父母服斬衰食粥

喪息郎翻

衰倉回翻

命百官於宮內設位而哭使人案檢哭者無淚則

罪之羣臣皆含辛以為淚高陽王妃張氏熙之嫂也

高陽

王隆之妃

美而有巧思

思相吏翻

熙欲以為殉乃毀其襪韠中得

弊氈

襪音遂送終曰襪韠許加翻

遂賜死右僕射韋瑒等皆恐為殉

沐浴俟命公卿以下至兵民戶率營陵費殯府藏

瑒渠尤翻

藏徂浪翻

陵周圍數里熙謂監作者曰善為之朕將繼往

觀熙

此言死期將至監工銜翻

丁酉燕太后段氏去尊號出居外宮

去羌呂翻

段氏熙之慈母也見上卷元興二年

氏王楊盛以平北將軍符宣為梁

州督護將兵入漢中

將即亮翻

秦梁州別駕呂瑩等起兵應

之

呂瑩蓋為秦之梁州別駕以後面秦王興遣南梁州刺史王敏教譙縱觀之可見

刺史王敏

攻之瑩等求援於威威遣軍臨瀝口敏退屯武興

水經

東逕白馬戍南瀝水入焉注云瀝水北發武都氏中南逕張魯城東又南過陽平關西而南入于沔謂之瀝口

有瀝口城郡國縣道記梁州西縣本名白馬城又曰瀝

口城劉蜀置武興督於漢中沔陽縣隋唐為興州今沔

州城古武興城也瀝音徐刃翻盛復通於晉

孝武太元十九年楊威來稱藩其所以不與晉通者

以桓玄之亂也復音扶又翻

晉以威為都督隴右諸軍事征西大將

軍開府儀同三司威因以宣行梁州刺史

通鑑以晉紀年則以威為

都督之上不必書晉晉字當作詔字

五月壬戌燕尚書郎苻進謀反誅

進定之子也

考武太元十一年苻定降燕見一百六卷

魏主珪北巡至濡

源

濡音乃
官翻

魏常山王遵以罪賜死 初魏主珪滅劉

衛辰其子勃勃奔秦

見一百卷
孝武太元十六年

秦高平公沒奕干

以女妻之

妻音七
細翻

勃勃魁岸美容儀性辯慧秦王興見

而奇之與論軍國大事寵遇踰于勲舊興弟邕諫曰勃

勃不可近也

近音其
靳翻

興曰勃勃有濟世之才吾方與之

平天下奈何逆忌之乃以為安遠將軍使助沒奕干鎮

高平以三城朔方雜夷

魏收地形志偏城郡廣武縣有
三城唐延州豐林縣古廣武縣

地及衛辰部衆三萬配之使伺魏間隙

間音古
覓翻

邕固爭

以為不可興曰卿何以知其為人邕曰勃勃奉上慢御

衆殘貪猾不仁輕為去就寵之踰分

分音扶問翻

恐終為邊

患興乃止久之竟以勃勃為安北將軍五原公配以三

交五部鮮卑及雜虜二萬餘落鎮朔方

為勃勃病秦興悔不用邕言張

本魏主珪歸所虜秦將唐小方于秦

將音即亮翻

秦王興請

歸賀狄干仍送良馬千匹以贖狄伯支珪許之

秦留賀狄干見

一百十二卷元興元年狄伯支唐小方被禽亦見是年

勃勃聞秦復與魏通而怒

復音扶又翻

乃謀叛秦

楚白公勝所以作亂於楚者其事正如此

柔然可汗社崙

獻馬八千匹于秦至大城

大城縣前漢屬西河郡後漢屬朔方郡魏晉省崐廬昆翻

勃勃掠取之悉集其衆三萬餘人偽敗於高平川因襲

殺沒奕干而并其衆勃勃自謂夏后氏之苗裔

史記及漢書皆

云匈奴夏后氏苗裔淳維之後勃勃匈奴餘種故云然夏戶雅翻下同

六月自稱大夏天

王大單于

晉書曰勃勃字屈子匈奴右賢王去卑之後劉元海之族劉武之曾孫劉衛辰之子劉武

即劉虎晉書避唐國諱改虎為武單音蟬

大赦改元龍升置百官以其兄右

地代為丞相封代公力侯提為大將軍封魏公叱干阿

利為御史大夫封梁公弟阿利羅引為司隸校尉若門

為尚書令叱以韃為左僕射

韃居言翻

乙斗為右僕射賀狄

千久在長安常幽閉因習讀經史舉止如儒者及還魏主珪見其言語衣服皆類秦人以為慕而效之怒并其弟歸殺之秦王興以太子泓錄尚書事秋七月戊

戌朔日有食之

汝南王遵之坐事死遵之亮之五世

孫也

汝南王亮死於楚王瑋之難

癸亥燕王熙葬其后苻氏于徽

平陵喪車高大毀北門而出熙被髮徒跣步從二十餘

里

被皮義翻從才用翻

甲子大赦初中衛將軍馮跋及弟侍御郎

民不堪命數所跋素弗與其從弟萬泥謀曰吾輩還首

無路

還首自歸請罪也首式救翻

不若因民之怨共舉大事可以建

公侯之業事之不捷死未晚也遂相與乘車使婦人御

潛入龍城匿於北部司馬孫護之家及熙出送葬跋等

與左衛將軍張興及苻進餘黨作亂跋素與慕容雲善

乃推雲為主雲以疾辭

雲稱疾見上年

跋曰河間淫虐人神共

怒此天亡之時也公高氏名家何能為人養子

為養子事見百

九卷隆
安元年

而棄難得之運乎扶之而出跋弟乳陳等帥衆

攻弘光門

帥讀曰率

鼓噪而進禁衛皆散走遂入宮授甲閉

門拒守中黃門趙洛生走告于熙熙曰鼠盜何能為朕

當還誅之乃置后柩於南苑

柩巨救翻

收髮貫甲馳還赴難

難乃旦翻

夜至龍城攻北門不克宿於門外乙丑雲即天王

位

雲字子雨祖父高和句麗之支庶慕容寶養以為子

大赦改元正始熙退入龍

騰苑尚方兵褚頭踰城從熙稱營兵同心效順唯侯軍

至熙聞之驚走而出左右莫敢迫熙從溝下潛遁良久

左右怪其不還相與尋之唯得衣冠不知所適中領軍

慕容拔謂中常侍郭仲曰大事垂捷而帝無故自驚深

可怪也然城內企遲遲直利至必成功不可稽留吾當

先往趣城趣七卿留待帝得帝速來若帝未還吾得如

意安撫城中徐迎未晚乃分將壯士二千餘人登北城將

士謂熙至皆投仗請降將即亮翻既而熙久不至拔兵

無後繼衆心疑懼復下城赴苑復扶又翻下遂皆潰去

拔為城中人所殺丙寅熙微服匿於林中為人所執送

於雲雲數而殺之

年二十三史言慕容熙淫虐天奪其魄身死國滅載記曰自垂至熙四世

凡二十四年而滅數所具翻

并其諸子雲復姓高氏幽州刺史上庸

公懿以令支降魏

今音鈴又郎定翻支音祁

魏以懿為平州牧昌黎

王懿評之孫也

前燕之亡慕容評之罪也

魏主珪自濡源西如參

合陂

濡乃官翻

乃還平城

禿髮傉檀復貳於秦

傉奴沃翻復扶又翻

下遣使邀乞伏熾磐熾磐斬其使送長安

為秦襲傉檀張本使疏吏翻下

同熾昌志翻

南燕主超母妻猶在秦超遣御史中丞封愷

使於秦以請之秦王興曰昔苻氏之敗太樂諸伎悉入

于燕

長安之陷太樂諸伎入于西燕西燕之亡慕容垂收以歸于中山中山之陷相率奔鄴由是南燕得

之伎渠綺翻

燕今稱藩送伎或送吳口千人所請乃可得也

超與羣臣議之左僕射段暉曰陛下嗣守社稷不宜以私親之故遂降尊號且太樂先代遺音不可與也不如掠吳口與之尚書張華曰侵掠鄰國兵連禍結此既能往彼亦能來非國家之福也陛下慈親在人掌握豈可靳惜虛名不為之降屈乎

靳居焮翻為于偽翻

中書令韓範嘗與

秦王俱為苻氏太子舍人若使之往必得如志超從之

乃使韓範聘于秦稱藩奉表慕容凝言於興曰燕王得其母妻不可復臣宜先使送伎興乃謂範曰朕歸燕王家屬必矣然今天時尚熱當俟秋涼八月秦使負外散

騎常侍韋宗聘於燕超與羣臣議見宗之禮張華曰陛

下前既奉表今宜北面受詔封逞曰大燕七聖重光

自鹿

號雋暉至垂德超凡七主重直龍翻

奈何一旦為豎子屈節超曰吾為太

后屈願諸君勿復言

為于偽翻復扶又翻

遂北面受詔毛修之

與漢嘉太守馮遷合兵擊楊承祖斬之修之欲進討譙

縱益州刺史鮑陋不可修之上表言人之所以重生實

有生理可保臣之情地生塗已竭

謂其父瑾伯璩舉家為蜀人所滅修之欲

致死復讐不復求生路也

所以借命朝露者

朝露易晡言不久生也

庶憑天威

誅夷讐逆今屢有可乘之機而陋每違期不赴臣雖効

死寇庭而救援理絕將何以濟劉裕乃表襄城太守劉

敬宣帥衆五千伐蜀

晉氏南渡置襄城郡於江南仍領繁昌等縣孝武罷襄城郡為繁昌

縣屬淮南僑郡今太平州繁昌縣即其地繁昌本漢潁川郡屬縣因僑立而是縣之名遂移于江南此襄城蓋

敬宣以舊郡僑領太守也帥讀曰率

以劉道規為征蜀都督魏主珪如

豺山宮侯官告司空庾岳服飾鮮麗行止風采擬則人

君

侯官見上卷
元興三年

珪收岳殺之

北燕王雲以馮跋為都

督中外諸軍事開府儀同三司錄尚書事馮萬泥為尚

書令馮素弗為昌黎尹馮弘為征東大將軍孫護為尚

書左僕射張興為輔國大將軍弘跋之弟也 九月譙

縱稱藩於秦禿髮檀將五萬餘人伐沮渠蒙遜

僞奴
沃翻

將即亮翻
沮子余翻

蒙遜與戰於均石大破之

均石在張掖之東
西陝之西蓋西郡

界蒙遜進攻西郡太守楊統於日勒降之

日勒縣漢屬
張掖郡後分

置西郡治日勒賢曰日勒故城在今甘州刪丹縣東南

冬十月秦河州刺史彭

奚念叛降於禿髮傁檀秦以乞伏熾磐行河州刺史

熾昌

志

南燕主超使左僕射張華給事中宗正元獻太樂

伎一百二十人於秦秦王興乃還超母妻厚其資禮而

遣之超親帥六宮迎於馬耳關

伎渠綺翻帥讀曰率據水經濟南臺縣有馬耳

山關廬水出焉魏收地形志泰山郡臺縣有馬耳山

夏王勃勃破鮮卑薛干等

三部

薛干晉書載記作薛干蜀本作薛干

降其衆以萬數

降戶江翻

進攻秦三

城已北諸戍斬秦將楊丕姚石生等諸將皆曰陛下欲

經營關中宜先固根本使人心有所憑係高平山川險
固土田饒沃可以定都勃勃曰卿知其一未知其二吾
大業草創士衆未多姚興亦一時之雄諸將用命關中
未可圖也我今專固一城彼必并力於我衆非其敵亡
可立待不如以驍騎風馳將即亮翻驍堅
亮翻騎奇寄翻出其不意救
前則擊後救後則擊前使彼疲於奔命我則游食自若
不及十年嶺北河東盡為我有待興既死嗣子闇弱徐
取長安在吾計中矣於是侵掠嶺北嶺北諸城門不晝

啟興乃歎曰吾不用黃兒之言以至于此

黃兒興弟也

勃

勃求婚於禿髮儁檀儁檀不許十一月勃勃帥騎二萬

擊儁檀至于支陽

枝陽縣漢屬金城郡晉張寔分屬廣武郡劉昉曰唐蘭州廣武縣漢枝陽

縣杜佑曰唐會州會寧縣漢枝陽縣

殺傷萬餘人驅掠二萬七千餘口牛

馬羊數十萬而還

還徙宣翻又如字

儁檀帥衆追之

帥讀曰率

焦朗

曰勃勃天姿雄健御軍嚴整未可輕也不如從溫圍北

渡趣萬斛堆

溫圍水名水經河水北過武威溫圍縣東北溫圍其即漢之溫圍縣歟趣上喻翻

阻水結營扼其咽喉

咽音烟

百戰百勝之術也儁檀將賀

連怒曰勃勃敗亡之餘烏合之衆奈何避之示之以弱

宜急追之俾檀從之勃勃於陽武下峽鑿凌埋車以塞

路

凌力證翻冰也又閭承翻鑿冰塞路置兵死地使人自為戰塞惡則翻

勒兵逆擊俾檀

大破之追奔八十餘里殺傷萬計名臣勇將死者什六

七

將即亮翻俾檀與數騎奔南山

漢書地理志武威郡蒼松縣有南山松陝予謂此南

山自羌中連延西平金城之界東出秦雍至于終南皆此山也俾檀所奔枝陽之南山也幾為追騎

所得

幾居希翻騎奇寄翻

勃勃積尸而封之號曰髑髏臺

髑髏音翻

妻勃勃又敗秦將張佛生于青石原

敗補邁翻後漢書西羌傳安定有青

石岸安定唐之涇州涇州有青石嶺

俘斬五千餘人僞檀懼外寇之逼徙

三百里內民皆入姑臧國人駭怨屠各成七兒因之作

亂屠直於翻

一夕聚衆至數千人殿中都尉張猛大言於衆

曰主上陽武之敗蓋恃衆故也責躬悔過何損於明而

諸君遽從此小人不義之事殿中兵今至禍在目前

矣衆聞之皆散七兒犇晏然追斬之軍諮祭酒梁裒輔

國司馬邊憲等謀反僞檀皆殺之

自是之後禿髮氏之勢日以衰矣

魏主珪還平城

十二月戊子武岡文恭侯王謐薨

謐法

既過能
改曰恭

是歲西涼公暉以前表未報

前奉表見上元
年暉古老翻

復遣沙門法泉間行奉表詣建康

復扶又翻
間古覓翻

四年春正月甲辰以琅邪王德文領司徒劉毅等不欲

劉裕入輔政議以中領軍謝混為揚州刺史

王謚薨揚
州刺史缺

官故議
用其人

或欲令裕於丹徒領揚州以內事付孟昶

昶丑
兩翻

遣尚書右丞皮沈以二議諮裕

皮姓也沈
持林翻

沈先見裕記

室錄事參軍劉穆之具道朝議

朝直
遙翻

穆之偽起如廁密

疏白裕曰皮沈之言不可從裕既見沈且令出外呼穆

之問之穆之曰晉朝失政日久

朝直遙翻下同

天命已移公興

復皇祚勲高位重今日形勢豈得居謙遂為守藩之將

耶

將即亮翻

劉孟諸公與公俱起布衣共立大義以取富貴

事有先後故一時相推非為委體心服宿定臣主之分

也

分扶問翻

力敵勢均終相吞噬

後果如穆之言

揚州根本所係

不可假人前者以授王謚事出權道

見上卷元興三年

今若復

以他授

復扶又翻下而復同

便應受制於人一失權柄無由可得

將來之危難可熟念今朝議如此宜相斟酌必云在我

措辭又難唯應云神州治本宰輔崇要

治直史翻

此事既大

非可懸論便暫入朝共盡同異公至京邑彼必不敢越公更授餘人明矣裕從之朝廷乃徵裕為侍中車騎將

軍開府儀同三司揚州刺史錄尚書事徐兗二州刺史

如故

騎寄翻

裕表解兗州以諸葛長民為青州刺史鎮丹

徒劉道憐為并州刺史戍石頭

庚申武陵忠敬王導

薨魏主珪如豺山宮遂至寧川

寧川即後漢上谷郡之寧縣也前漢曰寧

縣地理志曰于延水出代郡且如縣塞外東至寧入沽水經注曰于延水逕置城南又東左與寧川水合水出小

寧縣西北東南流注于延水又東逕小寧縣故城南地理志寧縣也師古曰且子如翻

南燕主

超尊其母段氏為皇太后妻呼延氏為皇后超祀南郊

有獸如鼠而赤大如馬來至壇側須臾大風晝晦羽儀

帷幄皆毀裂

賈公彥曰在旁曰帷四合象宮室曰幄

超懼以問太史令成

公綏對曰陛下信用姦佞誅戮賢良賦斂繁多事役殷

重之所致也

斂力

超乃大赦黜公孫五樓等俄而復用

之

復扶又翻

北燕主雲立妻李氏為皇后子彭城為太子

三月庚申葬燕王熙及苻后于徽平陵謚熙曰昭文

皇帝

高句麗遣使聘北燕且叙宗族

雲本高句麗支屬詳見一百九

卷隆安元年
使疏吏翻

北燕王雲遣侍御史李拔報之

夏四月

尚書左僕射孔安國卒甲午以吏部尚書孟昶代之

昶丑

兩翻

北燕大赦

五月北燕以尚書令馮萬泥為幽冀

二州牧鎮肥如中軍將軍馮乳陳為并州牧鎮白狼

漢前

右北平郡有白狼縣師古曰有白狼山故以名縣後漢晉省縣魏收地形志曰世祖太平真君八年置建德郡治白狼城

其地屬唐營州柳城縣界

撫軍大將軍馮素弗為司隸校尉司隸校尉務

銀提為尚書令

譙縱遣使稱藩於秦

使疏

又與盧循

潛通縱上表請桓謙於秦欲與之共擊劉裕秦王興以問謙謙曰臣之累世著恩荆楚若得因巴蜀之資順流東下士民必翕然響應興曰小水不容巨魚若縱之才力自足辦事亦不假君以為鱗翼宜自求多福遂遣之謙至成都虛懷引士縱疑之置於龍格使人守之

龍格蓋即

今成都府廣都縣龍爪灘之地

謙泣謂諸弟曰姚主之言神矣 秦王

興以禿髮僭擅外內多難

時僭擅軍諮祭酒梁裒輔國司馬邊憲等謀反僭擅悉誅

之晉書載記曰僭擅外有陽武之敗內有邊梁之亂難乃旦翻

欲因而取之使尚書郎

韋宗往覘之

覘丑簾翻又丑艷翻

傳檀與宗論當世大略縱橫無

窮

縱子容翻

宗退歎曰奇才英器不必華夏

夏戶雅翻

明智敏識

不必讀書吾乃今知九州之外五經之表復自有人也

傳檀之才辨內足以欺其父兄外足以欺敵人之覘國者而卒以敗亡者輕用兵也揆之於古蓋智伯瑤之流而才識又不及歸言於興曰涼州雖弊傳檀權譎過人焉復扶又翻

未可圖也

譎古冗翻

興曰劉勃勃以烏合之衆猶能破之況

我舉天下之兵以加之乎宗曰不然形移勢變反覆萬

端

蜀本作返復當從之

陵人者易敗

易以政翻

戒懼者難攻傳檀之所

以敗於勃勃者輕之也今我以大軍臨之彼必懼而求
全臣竊觀羣臣才略無儔檀之比者雖以天威臨之亦
未敢保其必勝也興不聽使其子中軍將軍廣平公弼
後軍將軍歛成鎮遠將軍乞伏乾歸帥步騎三萬襲儔
檀左僕射齊難帥騎二萬討勃勃帥讀曰率下同吏部尚書尹

昭諫曰儔檀恃其險遠故敢違慢不若詔沮渠蒙遜及

李嵩討之使自相困斃不必煩中國之兵也亦不聽興

遣儔檀書曰遺于李嗣今遣齊難討勃勃恐其西逸故令弼

等於河西邀之傳擅以為然遂不設備弼濟自金城

自金

城濟河也

姜紀言於弼曰今王師聲言討勃勃傳擅猶豫守

備未嚴願給輕騎五千

騎寄翻

掩其城門則山澤之民皆

為吾有孤城無援可坐克也弼不從進至漢口

漢口在昌松郡

界謂之昌松漢口魏收地
形志昌松郡有漢口縣

昌松太守蘇霸閉城拒之弼

遣人諭之使降霸曰汝棄信誓而伐與國吾有死而已

何降之有

降江翻

弼進攻斬之長驅至姑臧傳擅嬰城固

守出奇兵擊弼破之弼退據西苑城中人王鍾等謀為

內應事洩傳檀欲誅首謀者而赦其餘前軍將軍伊力延侯曰今疆寇在外而奸人竊發於內危孰甚焉不悉阮之何以懲後傳檀從之殺五千餘人命郡縣悉散牛

羊于野斂成縱兵鈔掠

鈔楚交翻

傳檀遣鎮北大將軍俱延

鎮軍將軍敬歸等擊之秦兵大敗斬首七千餘級

傳檀散牛

羊以餌敵而斂成掠之宜其敗也

姚弼固壘不出傳檀攻之未克秋七

月興遣衛大將軍常山公顯帥騎二萬為諸軍後繼至高平聞弼敗倍道赴之顯遣善射者孟欽等五人挑戰

於涼風門

挑徒了翻

弦未及發倭檀材官將軍宋蓋等迎擊

斬之顯乃委罪斂成遣使謝倭檀慰撫河外引兵還倭

檀遣使者徐宿詣秦謝罪

使疏史翻

夏王勃勃聞秦兵且至

退保河曲

河曲在朔方東北黃河千里一曲

齊難以勃勃既遠縱兵野

掠勃勃潛師襲之俘斬七千餘人難引兵退走勃勃追

至木城禽之虜其將士萬三千人於是嶺北夷夏附於

勃勃者以萬數

夏戶雅翻

勃勃皆置守宰以撫之

姚弼之敗禿髮未能

為秦患也齊難之敗則赫連之患熾矣

司馬叔璠自蕃城寇鄒山

璠字表翻

藩音皮又音反讀曰翻

魯郡太守徐邕棄城走車騎長史劉鍾擊

却之北燕王雲封慕容歸為遼東公使主燕祀劉

敬宣既入峽

所謂三峽也

遣巴東太守溫祚以二千人出外

水自帥益州刺史鮑陋輔國將軍文處茂龍驤將軍時

延祖由墊江轉戰而前

帥讀曰率處昌呂翻驤思將翻此由內水而進也墊音疊

譙

縱求救于秦秦王興遣平西將軍姚賞南梁州刺史王

敏將兵二萬赴之敬宣軍至黃虎去成都五百里

黃虎近涪

城縱輔國將軍譙道福悉衆拒嶮相持六十餘日敬宣

不得進食盡軍中疾疫死者大半乃引軍還

還從宣翻又如字

敬宣坐免官削封三分之一荊州刺史劉道規以督統

降號建威將軍

春秋責帥之義也道規時為征蜀都督

九月劉裕以敬宣

失利請遜位詔降為中軍將軍開府如故劉毅欲以重

法繩敬宣裕保護之何無忌謂毅曰奈何以私憾傷至

公

私憾見上元年

毅乃止

乞伏熾磐以秦政浸衰且畏秦之

攻襲

熾昌志翻

冬十月招結諸部二萬餘人築城于嶮崙山

而據之

下度曰嶮崙山在西羌予據乞伏氏據苑川具地西至枹罕東極隴城北限赫連南界吐谷渾

嶺山當在苑川西南宋朝西境盡秦渭
嶺山始在西羌中嶺丘岡翻嶺盧當翻

十一月禿

髮傳檀復稱涼王大赦改元嘉平置百官立夫人折掘

氏為王后世子武臺為太子錄尚書事

武臺本名虎臺唐人作晉書避

唐祖諱改虎為武通鑑因之

左長史趙鼂右長史郭倖為尚書左右

僕射

鼂古朝字音直遙翻

昌松侯俱延為太尉

南燕汝水竭

汝當

作河凍皆合而澠水不冰

水經注澠水出營城東西北流入時水營城即臨淄城時

水通有澠水之名亦謂之時澠水時水東北入淄水淄水又東北合濁水濁水東北流逕廣固城西濁水亦或通名之為澠水昔趙攻廣固望氣者以為澠水帶城非可攻拔若塞五龍口城必當陷指是水也澠神陵翻

南燕主超惡之問於李宣對曰澠水無冰良由逼帶京

城近日月也

惡烏路翻
近其靳翻

超大悅賜朝服一具

朝直
遙翻

十

二月乞伏熾磐攻彭奚念於枹罕為奚念所敗而還

枹音

膚敗補邁翻還
徙宣翻又如字

是歲魏主珪殺高邑公莫題初拓跋

窟咄之伐珪也

見一百六卷
孝武大元十一年

題以珪年少

少詩
召翻

潛以

箭遺窟咄曰三歲犢豈能勝重載邪

遺千季翻勝音
升載才再翻

珪


心銜之至是或告題居處倨傲擬則人主者珪使人以

箭示題而謂之曰三歲犢果如何題父子對泣詰朝收

斬之

處昌呂翻

詰去吉翻



資治通鑑卷一百十四